



~ 16
2693
19



潛研堂金石文跋尾續第一

嘉定錢大昕



焦山鼎銘

右焦山鼎銘京口三山昔人比之蓬萊方丈瀛洲焦最僻左而名特著者以此鼎及瘞鶴銘在焉宋人好辨識鐘鼎文字此銘獨未著於錄其出於何時何地不可得而知矣古器銘多用鑿勒字惟石鼓及寅簋文正作鑿勒伯姬鼎則作攸勒宰辟父敦又作攸革薛尚功王球諸家皆釋攸為鑿此文亦但作攸蓋古文之鑿勒即詩所云條革也詩條革凡四見鄭氏箋或云轡或云轡首或云轡首垂毛公則訓條為轡革為轡首說文無條字而有鑿字訓為轡首銅明乎鑿之即條也釋器云轡首謂之革郭景純曰轡鞞勒也詩如烏斯革韓詩作勒明乎勒之即革也

昭和九年
十二月十一日
購求

詩儻革有鶴鄭以鶴爲金飾古文儻从金與許叔重訓轡首銅合孔疏謂以儻皮爲轡首之革似未達古制矣伯姬鼎師毀敦竝有縞必字薛氏釋必爲縹案攷工記天子圭中必鄭注讀如鹿車縹之縹是必縹古文相通此銘亦作必與康成注合

漢

北海相景君碑 漢安二年

右北海相景君碑王元美云益州當言刺史不當言太守予案漢時有益州又有益州郡郡有太守州有刺史刺史治廣漢郡之雒縣而太守自治滇池蜀漢建興三年始改益州郡曰建寧避州郡同名也此碑額題益州太守而銘稱守郡益州其爲太守非刺史明矣元美於史學未甚究心故有此失洪文惠謂景君嘗刺益部亦偶誤也銘辭云宜參鼎輔洪氏謂字書無輔字

當是借作拂取軚拂之義案 冕之紱古書或作紱此鼎輔當取朱紱之義而以軚代紱爾

碑陰

右碑陰題名一十八行每行三列凡五十四人而下云行三年服者凡八十七人則故吏之行服而不列名碑陰者尚多也碑末云諒闇沈思又云陵成字立諒闇卽亮陰似非臣下可用而稱墓爲陵亦後世所宜回避也

郎中鄭固碑 延熹元年四月

右郎中鄭固碑下截已斷每行止存十九字詳其文義乃弟述其兄而作喪服傳不滿八歲以下爲無服之殤鄭君長男孟子七歲而夭乃建墳與固配食此禮之過而失其中者論語色斯舉矣斯乃語辭而漢魏人多用色斯字如王充論衡翔而後集

色斯而舉費鳳碑色斯輕翔費鳳別碑色斯高舉元賓碑翻翬
色斯抱朴子外篇明哲色斯而幽遜內篇杜漸防微色斯而逝
皆以斯連上讀若張壽碑常懷色斯斥彭長田君碑色斯去官
抱朴子外篇或色斯而不終日三國志崔琰傳哲人君子俄有
色斯之志此碑亦云將從雅意色斯自得則竟以色斯當遠舉
之義所謂歇後語也春秋晉侯詭諸卒陸德明云左氏傳作侂
諸今本左氏亦作詭惟石經猶是侂字此碑造膝侂辭亦以侂
爲詭則古書侂詭通用矣

蒼頡廟碑

右蒼頡廟碑在白水縣東北五十里之史官村其地於漢爲衙
縣春秋秦晉戰於彭衙卽此地續漢志左馮翊有衙縣注引皇
覽云有蒼頡冢在利陽亭南墳高六丈後人因建廟於此縣以
彭衙得名兩漢志皆作衙字而碑作衙猶曲江之爲曲紅西城
之爲西成也碑文雖漫漶諦視之尚有可識者惜洪丞相隸釋
未著於錄不待其全文故不能通耳碑上穿之左有宋人題名
四行云汲郡呂大忠華陰喬岳同過蒼頡祠下嘉祐庚子五月
大忠者大防之兄嘗爲陝西轉運副使者也

碑陰及兩側

右碑陰文更漫滅其可見者有故督盜五官掾高陵守等字蓋
掾屬題名而姓名無一存者其兩側面各有字尚可讀其一云
朔方臨戎孫羨以永壽二年爲朔方太守上郡仇君察孝除郎
中太原陽曲長延熹四年九月乙酉詔書遷御令五年正月到
官奉見劉明府立祠刊石表章大聖之遺靈云云下有上官鳳
諸人題名三列歐陽集古錄題爲朔方太守碑陰者蓋卽此然

碑所述者御令孫羨筮仕本末朔方太守仇君則孫令之舉將與立祠無與乃以朔方守標題誤矣其一題名三列有議曹史功曹書佐騎吏高陵左鄉有秩萬年左鄉有秩蓮勺左鄉有秩池陽左鄉有秩夏陽候長粟邑候長等歐公亦有跋而不知其爲何碑之陰蓋碑本四面有字歐公僅得其兩側又誤分爲二趙德甫金石錄有蒼頡廟碑卽碑之正面又有蒼頡廟人名卽碑側之一面其又一面與碑陰則趙亦未見洪文惠則全未之見予訪之廿年未得頃曹中允來殷遊秦中始募工搨以餉余以歐趙洪三家未能盡見者而予幸得之誰謂古今人不相及乎

淮源桐柏廟碑

延熹六年正月

元人重書本

右淮源桐柏廟碑漢刻久亡元至正四年同知唐州事杜昭旣

脩祠廟乃請翰林待制浚儀吳炳重書炳子嗣昌填摹上石炳分隸頗有法度而少漢人淳古之氣碑末記亦炳所述行書殊適美中州罕拓碑手故流傳者寡而碑估之黠者往往割去炳重書字及碑後記裝界成冊收藏家未見全文遂以爲真漢刻矣朱錫鬯疑爲後人重摹而不得其主名潘次耕又疑爲唐人釋曠書蓋兩公所見者皆裝界之本耳但錫鬯謂碑闕靈祐二字此本却未闕又謂碑云盧奴張君今盧奴下闕一字非張字豈錫鬯所見者又別一本耶

竹邑侯相張壽碑

建寧元年五月

右竹邑侯相張壽碑僅存上一段每行十餘字中間又鑿去四十字卽明時人斷爲碑趺者今在城武縣孔廟戟門壁閒說文眈視近而志遠也觀內視也觀與眈音同而義亦相近先儒傳

易皆作虎視眈眈此碑乃作覲覲是古人固通用矣王輔嗣釋眈眈以為威而不猛碑云覲覲虎視不折其節意亦相類也婁機云碑在單州城武宋時本隸單州也

淳于長夏承碑建寧三年

右淳于長夏承碑字體奇怪王秋澗以為蔡中郎書雖出臆揣要是漢隸之佳者今再經翻刻古意盡失矣碑云策薰著于王室薰即勳字攷易艮九三厲薰心荀爽本薰作勳蓋勳之譌孟子太王事獯鬻說苑太王有聖人之恩故事勳育史記周本紀作薰育此薰勳相通之證也沈州本因沈水得名今尚書沈州之沈作究與沈水異文而說文無究字篆書家不知究字所以難以下筆予謂古文从水者或用立水如江河之類或用橫水如盂顛之類沈本立水或從橫水作亮而隸變為究爾此碑與

曹全碑俱作究亦三之變文也

司隸校尉魯峻碑熹平二年四月

右司隸校尉魯峻碑文云有黃霸召信臣在潁南之歌霸守潁川信臣守南陽此稱潁南者各舉其一字也三國人多稱吳會稽二郡為吳會亦類此蓋流俗之稱文人沿用而不察爾胡三省云太史公謂吳為江南一都會故後人謂吳為吳會予案史公貨殖一篇言都會者多矣何獨於吳稱會此胡氏之臆說而近人多取之何也

碑陰

右碑陰題名二十一行每行二列故吏四人門生三十七人義士一人各列郡縣姓名字及錢數攷洪文惠隸續所載魯峻碑陰與此全別洪公在南渡時未得親至碑所但據收藏家之說

題之故猶疑而未定碑今在濟寧州學其陰文字尚完恨洪公之不及見而洪所指為峻碑陰者世已失傳竟未審為何人碑也

校官碑 光和四年十月

右校官碑溧陽人頌其長潘乾構脩學宮而作隋時割溧陽西鄉置溧水縣宋南渡初溧水尉得碑於固城湖中其後移置縣學碑遂為溧水所有矣釋名誅累也累列其事而稱之也廣韻誅壘也壘述前人之功德也誅本為哀死而作今縣民頌其長而稱誅雖亦累德之詞然失其義矣說文取堅也古文以為賢字公羊經鄭伯堅卒釋文本作取疏云穀梁作賢蓋取賢本一字古今文異爾今本公羊穀梁皆作堅與左氏同矣此碑親取寶智師取作朋皆从古文其書邊豆之邊為區亦籀文之變也

校官碑釋文 元至順四年五月刻 附

右校官碑釋文即洪文惠所釋也元至順癸酉濟陰單禧官溧水始刻之石而跋於下方又補洪氏所闕者八字改正者兩字

中部督郵郭尚等題名

曹 薛夏侯 奏曹史卞

蔣 辭曹史文陽

曹史 曹 曹史蕃

中部督郵蕃郭尚 中賊曹史薛荀

南部督郵文陽 左賊曹史

北部督郵魯王壽 右賊曹史

守 左決曹史

曹 魯 右決曹史文陽

史薛

曹史

曹

右中部督郵郭尚等題名可辨者十行曲阜人顏懋倫所藏始著錄於牛運震金石圖然釋文頗疎舛海寧陳上舍以綱別有釋文視牛稍詳頃大興翁學士方綱復攷牛陳同異別為之釋得字八十有四多所駁正出以示予予因取家藏拓本諦視之參以三家所釋得了然可信者七十二字錄於右方其介於疑似及文不全者姑闕之漢時掾史碑本郡人為之文陽蕃薛卞皆魯之屬縣此碑當為魯相紀德而作正面磨滅無字惟碑陰獨存然亦剝裂似竹葉紋俗因謂之竹葉碑也

膠東令王君廟門碑

右膠東令王君廟門碑乾隆乙未歲濟寧人李東琪於州學古

樹下掇得之濟寧學故有漢碑五得此而六洪氏隸續載其文有二段今止存前半數十字爾

晉

楊紹買冢地劄

太康五年九月

右楊紹買冢地劄文云大男楊紹從土公買冢地一邱東極闕澤西極黃滕南極山背北極於湖直錢四百萬即日交畢日月為證四時為任太康五年九月廿九日對共破劄民有私約如律律即律字令案古人稱分券為別若今人合同文字也周禮小宰聽稱責以傅別鄭司農云傅別謂券書也傅傳著約束於文書別別為兩兩家各得一也鄭康成云傅別謂為大手書於一札中字別之傅別故書作傅辨鄭大夫讀為符別辨與別聲相轉其義一也說文無劄字釋名劄別也大書中央中破別之也廣

韻別分契也。前種概移時也。古者書契多以竹簡，故傳別字。或从竹，隸變作前，與移時之前相混。釋氏書往往用記前字，亦取受記作符券之義。魏晉以前契券之式，傳於今者，惟此。故錄其全文，以諗好古者。

梁

始興忠武王愬碑

右始興忠武王碑，文漫漶，失其大半。諦審之，尚有千三百餘字。其額云：梁故侍中司徒驃騎將軍始興忠武王之碑，凡十七字。獨完好。梁時定官品為十八班，班多者為貴。司徒十九班，侍中十二班，而結銜侍中在司徒之上。蓋其時以侍中為親要之任，出入帷幄，與參大政，儼然居三司右矣。

後魏

孫秋生等二百人造像記 太和七年

右孫秋生等二百人造像記。孟廣達文，蕭顯慶書。首稱大代太和七年，蓋自道武建國稱魏，仍兼稱代。崔浩所云代魏兼用，猶彼殷商者。至孝文時，此號尚未改也。額題邑子像旁，刻邑主中散大夫、滎陽太守、孫道務、寧遠將軍、中散大夫、潁川太守、安成令、衛白犢二人名。記之下方，列維那、程道起等諸人名。而後題景明三年歲在壬午五月戊子朔廿七日造。距太和七年癸亥已二十載。蓋後來續刻者，記今在洛陽縣黃氏中州金石攷曾載之，惟誤以秋生為狄生。顯慶為顯楷，爾蘭條字作捺，字書未載，惟見於此刻。

比干碑陰 太和十八年

右比干碑陰題名，凡八十二人。曰：使持節、驃騎大將軍、都督司

豫荆郢洛東荆六州諸軍事開府司州牧咸陽王臣河南郡元
禧侍中司徒公都督中外諸軍事太子太師駙馬長樂郡開國
公臣長樂郡馮誕使持節司空公太子太傅長樂公臣河南郡
正目陵下闕一
亮字特進太子太保廣陵王臣河南郡元羽侍中始
平王臣河南郡元勰領尚書右僕射吏部尚書任城王臣河南
郡元澄散騎常侍祭酒光祿勳卿高陽伯臣河南郡元徵疑太
子右詹事姑藏伯臣隴西郡李口右旁似
是召散騎常侍北海王臣
河南郡元詳散騎常侍領司宗中大夫臣河南郡元膏散騎常
侍臣河南郡元纂右衛將軍臣河南郡元翰光祿大夫行太僕
少卿臣高陽郡李堅中常侍中尹高都子臣上黨郡秦松驩驤
將軍臣河南郡大野口司衛監臣河南郡元蚪司衛監臣河南
郡万忸于勁員外散騎常侍光祿勳少卿東平子臣河南郡正

目陵純兼司衛監少府少卿臣魏郡游雅給事黃門侍郎臣太
原郡郭祚給事黃門侍郎領著作郎臣清河郡崔光典命中大
夫太子中庶子臣廣平郡游肇羽林中郎將臣河南郡侯莫陳
益員外散騎常侍帶宮輿給事中臣河南郡正目陵惠太子率
更令襄陽伯臣河南郡元尉給事中臣河南郡乙旃括給事中
臣河南郡乙旃免給事中臣河南郡郁久閭麟右軍將軍臣河
南郡元口太樂給事臣長樂郡衛況給事領太醫令臣高平郡
李循給事臣河南郡侯文福給事臣河南郡万忸乎矜中給事
錄太官令臣上黨郡白整中給事臣高陽郡劇鷄射聲校尉臣
河南郡元洛干顯武將軍臣河南郡万忸乎吐拔直閣武衛中
臣高車部人斛律慮直閣武衛中臣河南郡乙旃阿各仁直閣
武衛中臣河南郡侯呂阿倪直閣武衛中臣河南郡叱羅吐蓋

直閣武衛中臣上谷郡董明惠直閣武衛中臣代郡若干侯莫
仁直閣武衛中臣河南郡乙旃應仁直閣武衛中臣河南郡吐
難萇命直閣武衛中臣上谷郡張代連長兼典命下大夫齊郡
王友臣趙郡李預兼給事黃門侍郎員外散騎常侍守屬國下
大夫臣太原郡王翔白衣守尚書左丞臣遼東郡公孫良散騎
侍郎東郡公臣河南郡陸昕散騎侍郎臣河南郡郁久閭敏散
騎侍郎臣中山郡甄琛中壘將軍帶登聞令臣廣平郡游綏中
黃門令帶典農令臣安德郡雙蒙宰官令臣河南郡伊婁願太
官令鉅鏡伯臣□□魏祐監御令臣河南郡莫耐婁悅符節令
臣代郡賀拔舍通直散騎侍郎臣河澗郡邢巒通直散騎侍郎
臣京兆郡韋纘武騎侍郎守蘭陵令臣高平郡徐舟武騎侍郎
臣河南郡獨孤遙武騎侍郎臣上谷郡張覃武騎侍郎臣河南

郡乙旃侯莫干武騎侍郎臣河南郡万忸乎澄武騎侍郎臣趙
郡李華符璽郎中臣河南郡拔拔臻符璽郎中臣上谷郡張慶
員外散騎侍郎臣博陵郡崔廣員外散騎侍郎臣博陵郡崔逸
員外散騎侍郎臣河南郡陸怖道尚書郎中貝邛男臣清河郡
傅脩期尚書郎中臣熒陽郡鄭長遊尚書郎中臣清河郡崔哲
尚書郎中臣河東郡張映尚書郎中臣遼東郡高觀尚書郎中
臣趙郡李引尚書郎中臣河內郡司馬定尚書郎中臣南陽郡
朱孟孫尚書郎中臣蘭陵郡蕭彥尚書郎中臣趙郡李良軌尚
書郎中臣河東郡柳崇案北史太和十九年詔遷洛人死葬河
南不得還北於是代人南遷者悉爲河南洛陽人又云太和二
十年正月詔改姓元氏今此碑立於太和十八年冬宗室已繫
元姓代人竝稱河南郡則史所載歲月恐未得其實矣諸臣稱

河南郡者元氏而外若邛目陵氏万忸于氏侯莫陳氏乙旃氏叱羅氏吐難氏伊婁氏獨孤氏拔拔氏莫耐婁氏竝見魏書官氏志而譯字小有異同如邛目陵之目作穆万忸于之万作勿吐難之吐作土莫耐婁之耐作那是也陸氏本步六孤氏太和十九年詔稱穆陸賀劉樓于嵇尉八姓皆太祖已降勲著當世位盡王公者也穆卽邛目陵于卽万忸于劉卽獨孤諸人皆未改氏而陸昕等已單稱陸氏蓋陸氏之改又在穆賀諸姓之先矣大野氏郁久閭氏侯呂氏魏志俱失載以予攷之郁久閭乃蠕蠕姓後亦單稱閭氏周書太祖賜韓襄姓侯呂陵氏此廣韻本侯譌當卽侯呂氏也後魏末有南州刺史大野拔大野亦代北著姓矣又有侯文福一人則未知其侯氏歟官氏志侯奴抑氏後改侯氏抑別有侯文氏也若干氏賀拔氏不稱河南而稱代郡蓋代人之

未南遷者斛律氏稱高車部人雖入處中國尚未有所隸州縣也馮誕以尚樂安公主拜駙馬都尉此但云駙馬而去都尉從俗稱也史稱傅永字脩期此直云傅脩期蓋以字行也公孫良據傳爲燕郡廣陽人此云遼東郡則舉郡望言之于勁嘗爲司衛監李預兼典命下大夫皆本傳所未載陸昕傳作昕之當以石刻爲正其書姑臧爲姑藏河間爲河澗龍驤爲驪驤傅脩期作傅脩期皆當時承用別體字若万忸于之于或作乎陸希道作怖道則翻刻之譌

金剛般若經

右金剛般若經石刻譯金剛般若經者有羅什流支真諦耶舍元奘五家世所傳惟鳩摩羅什譯本云佛在舍衛國者是也此經乃後魏時流支所譯舍衛城作舍婆提城其餘文句亦多異

所說四句偈云一切有為法如星翳燈幻露泡夢電雲應作如是觀蓋不止於六如矣首題三藏菩提流支在胡相國秦太上文宣公弟譯文宣公者靈太后之父胡國珍也魏書外戚傳國珍之薨追崇假黃鉞使持節侍中相國都督中外諸軍事太師領太尉公司州牧號太上秦公諡文宣故稱相國秦太上文宣公也史稱國珍雅敬佛法行年八十自強禮拜而不載就第譯經事畧之也碑書第為弟从古也隋書經籍志永平中有天竺沙門菩提留支大譯佛經與羅什相埒留支即流支也碑雖不著年月以字體驗之當是北魏人書膝即膝字穉即穉字狼即貌字也即阤字笨即笨字畝即亂字皆它碑所罕有也

隋

張洪亮等造像記

開皇十五年四月

右張洪亮等造像記文云大隋開皇十五年口次乙卯四月己丑朔八日丙申維那張洪亮等敬造口光像一軀二菩薩上為皇帝陛下州縣令長又為七世父母援及一切眾生咸同斯福後列維那孟清等十人清信女李荒女等九人諸女名有稱王次男張元妃管那子者其書隋作隋次作次爰作援劉作劉皆字體之異者石刻在青州府城南廣福寺前人未有著錄者李進士素伯始訪得之

宋文彪等造澧水石橋碑

右宋文彪等造澧水石橋碑元和郡縣志南和縣開皇三年屬洺州十六年改屬邢州此碑稱洺州南和縣蓋在開皇十六年以前矣邢州所統諸縣襄國南和平鄉舊屬洺州鉅鹿內邱柏仁舊屬趙州隋書地理志皆不書惟元和郡縣志詳載之證以

潛研堂金石錄卷第一
石刻始知吉甫之精核也其文有云斜眺衡彰却瞻瀛竭以彰
為漳以竭為竭古人偏旁相同之字多可代用或云漢隸从水
之字或作彡此以漳為彰蓋置水於右旁也

右榮澤縣令常醜奴墓誌 大業三年八月

右榮澤縣令常府君墓誌後魏時有万俟醜奴趙醜奴蠕蠕主
醜奴此府君亦名醜奴字文泰本名黑獺而醜奴之祖亦名黑
獺蓋當時人名多如此醜奴以周保定元年起家右勳侍下士
三年轉膳部下士建德元年遷天官府口中士隋初不仕開皇
十九年詔以周代文武普加優選因授都督又授鄭州榮澤縣
令祿滿言歸大業元年十一月十九日終春秋八十有六致字
文建國關中用蘇綽盧辯之議依周禮設官其名繁多史不能
悉載而開皇一詔亦隋史所宜書故略敘其所歷官位如右誌
又稱後魏孝武帝為明帝此宅書所未見也

又碑文錄卷九帝為田帝孔子書視未見也

潛研堂金石文跋尾續第二

嘉定錢大昕

唐

秦王告少林寺教

武德四年四月

右秦王告少林寺教刻於裴灌少林寺碑之上方末題四月卅日蓋武德四年之四月也其上柱國德廣郡開國公安遠者李安遠也新舊書本傳俱作廣德郡公誤少林寺僧以柏谷塢歸唐安遠奉秦王教往宣諭蓋在征王世充時裴灌碑稱寺西北五十里有柏谷墅居晉成塢在齊為郡王充僭號署曰轅州乘其地險以立峯戍太宗文皇帝軍次廣武僧志操惠瑒曇宗等審靈睭之所往辨謳歌之有屬率眾以拒偽師抗表以明大順執充姪仁則以歸本朝太宗嘉其義烈頻降璽書宣慰既奉優教兼承寵錫賜地四十頃水碾一具裴所稱優教者即指此

刻其述寺僧翻城顛末亦可裨史家之闕

虞公溫彥博碑貞觀十一年十月

右虞公溫彥博碑字存者僅十之一說文逮行謹遂遠也逮及也二字本不相通率更書往往借遂爲逮如醴泉銘逮乎立年此碑遂輔德愆報是也案尔疋釋言逮還也方言還及也關之東西曰還或曰及禮記所以逮賤也陸德明釋文本作還公羊傳祖之所逮聞也漢石經亦作還是逮還二字古書通用隸楷相承變還爲遂遂與遠字相溷爾

姜行本紀功碑貞觀十四年六月

右姜行本紀功碑文多剝落有云使持節光祿大夫吏部尚書上柱國陳國公侯君集交河道行軍大總管副總管左屯衛大將軍上柱國永安郡開國公薛萬均副總管左屯衛將軍上柱

國通川縣開國男姜行本等口整三軍龍共行天討又云以通川公口謀特出妙思縱橫命口前軍營造攻具乃統沙州刺史上柱國望都縣開國侯劉德敏等鼓行而進以貞觀十四年五月十日師次伊口攷唐書姜行本傳高昌之役爲行軍副總管出伊州距柳谷百里依山造攻械其處有漢班超紀功碑行本磨去古刻更刊頌陳國威靈卽此碑也行本嘗封通川縣男新舊史皆失載碑今在哈密城北天山之麓土人名闊石圖漢言碑嶺也侯君集傳稱高昌平君集刻石紀功乃別是一碑今已無存舊一統志誤以此卽君集所刻乃云高昌卽土魯番地東去哈密尚一千五百里此嶺在天山上當是君集旣平高昌凱旋而東過此山因而勒石做實憲勒銘燕然之意震耀武功非勒石於高昌國都今案碑額題大唐左屯衛將軍姜行本勒石紀

文則非君集所刻明甚君集克高昌在八月癸酉而碑立於六月辛卯蓋在進兵之時亦非凱旋後所刻也唐書西域傳拜侯君集爲交河道大總管左屯衛大將軍薛萬均薩孤吳仁副之碑無薩孤吳仁名疑西域傳誤

贈太師比干詔并祭文

貞觀十九年二月

右贈太師比干詔并祭文元延祐四年脩廟碑稱唐碑斷仆於地伐石它山載爲刊建卽是碑也碑爲元時重刻故多空文如梓林當爲梓材直宏文館直作宜皆傳刻之誤唐書太宗紀贈比干太師謚忠烈在二月丁巳此祭文題二月己亥朔廿日戊午與史差一日碑末題司徒太子太師趙國公無忌開府儀同三司申國公士廉光祿大夫民部尚書莒國公唐儉吏部尚書駙馬都尉柱國安德郡開國公楊師道中書令江陵縣開國子

岑文本正議大夫守中書令兼太子左庶子馬周中大夫守黃門侍郎褚遂良右貞觀十九年二月廿日無忌等奏請以贈比干詔并祭文刻石樹碑奉勅依奏無忌三公士廉開府皆名不姓異於餘官也攷宰相表士廉以開府儀同三司同中書門下三品平章政事遂良以黃門侍郎參豫朝政碑刻不書者蓋其時猶不以爲官名史稱同三品入銜自張文瓘始平章事入銜自郭待舉等始皆高宗朝事也

鄂公尉遲敬德碑

顯慶四年四月

右鄂忠武公尉遲敬德碑止存下截可辨識者約五百字趙子函遊九峻記云碑自額以下埋土中掘而出之了無一字今去趙氏作記時又百五十年而碑字可辨識者尚多則知子函所云非其實矣碑文許敬宗撰文苑英華錄其全文以石本校之

間有異同當以石本爲正如貞觀四年授襄均鄧浙唐五州都督襄州刺史石本均作都攷唐書地理志均州貞觀元年廢八年復置又云武德四年置都州貞觀八年州廢敬德除都督在貞觀四年其時有都州無均州也顧寧人云凡數字作壹貳叁肆捌玖等字皆武后所改此碑立於顯慶中有云贈絹布壹千伍伯段米粟壹仟伍伯石則不始於武后矣

道因法師碑 龍朔三年十月

右道因法師碑中臺司藩大夫隴西李儼字仲思製文奉義郎行蘭臺郎渤海縣開國男騎都尉歐陽通書其云中臺司藩大夫者通鑑龍朔二年二月改尚書省爲中臺胡三省注謂二十四司郎中皆改爲大夫主客爲司蕃杜岐公通典所載同惟司蕃作司藩以是碑證之則通典爲正唐書百官志武德三年改

司藩郎曰主客郎中龍朔二年改禮部曰司禮祠部曰司禋膳部曰司膳獨不及主客之爲司藩蓋轉寫漏脫爾儼書郡望書字而通獨否未詳其故蘭臺郎卽祕書郎亦龍朔所改也碑有具禍以蓋語今本毛詩作燼攷說文無燼字火餘之燼當作婁方言蓋餘也自關而西秦晉之間炊薪不盡曰蓋則蓋其本一字馬融長笛賦蓋滯抗絕李善注蓋與燼同陸元朗詩釋文亦作蓋蓋唐初諸儒傳授之本如此釋文雖云或作燼然婁已从火不應更著火旁疑流俗所加故陸氏不從之也竇軌傳封贊皇縣公宰相世系表書鄴公此碑稱贊國公蓋由贊皇縣公進國公而傳失書耳軌父恭仕周封鄴國公故軌亦承父封鄴省邑旁作贊古字通用也

贈秦師孔宣公碑 乾封元年

右贈泰師孔宣公碑說文太即泰之古文故此碑太師太宰皆用泰字碑云荷蕢微者翻嗟擊磬之心又云岱畎泗濱採怪石而喧浮磬皆以磬代磬字案左氏傳室如懸磬國語作懸磬韋昭謂府藏空虛但有椽梁如懸磬也禮記石聲磬注云磬當爲磬字之誤也予謂鐘磬皆以聲得名釋名磬磬也聲堅磬磬然古文磬作磬史記樂書石聲磬磬以立別是磬磬即磬磬也磬磬同物康成以爲字誤者失之新舊唐書霍王元軌傳不載爲兗州都督事可據以補史之闕

燕公子志寧碑乾封元年十二月

右燕公子志寧碑碑稱所著文集勒成七十卷而舊唐書本傳云有集二十卷經籍志又云志寧集四十卷皆誤也新史藝文志與舊志同志寧罷相後嘗爲岐州刺史此新舊書本傳所失載而趙氏

金石錄亦未之舉故爲表而出之

栖霞寺明徵君碑上元三年四月

右栖霞寺明徵君碑徵君者南齊處士僧紹朱錫鬯以爲梁處上山賓蓋承舊唐書明崇儼傳之誤山賓仕梁通顯沒贈侍中非處士也據碑捨宅爲寺乃僧紹第二子臨沂公仲璋而崇儼傳以爲山賓故宅皆誤也碑稱僧紹祖玩晉建威將軍而南史云州中從事父略宋平原太守中書侍郎而南史云給事中未知孰是碑稱移居鬱洲拊榆山而史作弁榆拊弁本一字金陵在明代有南京之稱此碑云乃屈南京似先爲之識矣

中興三藏聖教序神龍三年五月

右中興三藏聖教序在長清縣四禪寺碑亦斷裂文字可辨者不及二百名首行云大唐中興三藏聖教序中興二字鑿去餘

七字及次行御製二字尚完好金石錄載此碑在濟南長清縣界西禪寺西禪當作四禪乃轉寫之譌碑為唐奉一書結體在隸楷之間益都李素伯云寺在靳家莊官道旁距靈巖寺甚近

口部將軍功德記 景龍元年十月

右口部將軍功德記唐時并州置天兵軍口部珣以右金吾衛將軍為天兵中軍副使因造三世佛像於太原之天龍寺碑文八分書而首行郭謙光文及書六字則篆書金石文字記闕謙光之名今據石本補之珣妻黑齒氏燕國公常之之中女常之百濟西部人而此碑亦有本枝東海之語金石文字記疑珣亦作京海誤系出百濟與常之同降唐者爾碑末題景龍元年歲在鶡首鵠首於十二次屬未是年太歲在丁未也

老子道德經 景龍二年正月

右老子道德經兩卷上卷曰道經下卷曰德經分兩面刻之其額云大唐景龍二年正月易州龍興觀為國敬造道德經五十二文碑末題觀主張脊行名案河上公注本道可道以下為道經卷上上德不德以下為德經卷下晁說之跋王弼注本謂其不析道德而上下之猶近於古不知陸德明所撰釋文正用輔嗣本題云道經卷上德經卷下與河上本不異晁氏所見者特宋時轉寫之本而翻以為近古亦未之攷矣予家藏石刻道德經凡五本惟明皇御注本及此本皆分道經德經為二蓋漢魏以來篇目如此而此本為初唐所刻字句與它本多異如無作无愈作俞芸作云譽作豫荒作忙佐作作喻作翁之類皆從古字又如故能蔽不新成石本作能弊復成師之所處荆棘生下石本無大軍之後必有凶年二句上將軍居右下石本無言以喪

禮處之向夫唯病病是以不病聖人不病以其病病是以不病石本但云是以聖人不病以其病病是以不病此類皆遠勝它本聊舉一二以見古石刻之可貴也

景龍觀鐘銘 景雲二年九月

右景龍觀鐘銘并序凡一十六行二百六十八字後題年月二行云辛亥金癸酉金丁亥土以納音言之也睿宗御製文既典雅而字亦奇古金質堅久無剝蝕可稱三絕序云耶溪集寶麗壑收珍銘又云傾巖集寶竭府收珍未免重複之病

涼國公契苾明碑 先天元年十二月

右涼國公契苾明碑明卒於鑿磬即證聖字元年臘月以萬歲通天元年八月葬肅政御史大夫婁師德為製碑文文稱長子左豹韜衛大將軍兼賀蘭州都督涼國公名已漫漶然上半從字猶

依稀可辨据唐書本傳云子聳襲爵則是聳字但此碑前云授長男從三品而次子嵩崇等名皆從山又疑當為從字蓋即從而移其山於下耳末題先天元年十二月十六日孤子息特進上柱國涼國公嵩蓋立石距製文之時已十有六年長子沒而更以嵩襲公爵亦史所失載也碑用武后新製字惟府君之君聖人貞觀之聖仍書本字

淨域寺法藏禪師塔銘 開元四年五月

右淨域寺法藏禪師塔銘田休光撰文正書無姓名法藏姓諸葛氏蘇州吳縣人吳郡太守蘇州刺史詈之曾孫隨閬州刺史顥之孫唐少府監丞禮之第二子也武后時嘗奉勅於東都大福先寺及化度寺檢校无盡藏以開元二年十二月卒而建碑於四年五月其書率堵波作瘞睹波則它刻所未見也碑稱隨

信行禪師撰三階集錄數十卷隋經籍唐藝文志皆未載予又攷隋書文學傳有諸葛穎者丹陽建康人官著作郎終正議大夫未嘗爲閬州刺史其父名規梁義陽太守亦不名晉則與法藏之祖雖同時而非一人矣

幽栖寺尼正覺浮菴銘

開元六年七月

右幽栖寺尼正覺浮菴銘不著姓氏開元六年七月十五日建真書時帶隸體其銘曰皎見顧高昔此臺塔妍巖疑語凝原擬業皆用雙聲而詞不工以東坡江行見月四言較之殆有仙凡之別矣碑云入仏法海仏卽佛字黃叔璚中州金石攷云碑在汜水縣之多寶院

華嶽精享昭應碑

開元八年

右華嶽精享昭應碑記開元八年遣舊相尚書許國公蘇頲禱

兩西嶽感應之事華陰縣主簿平陽咸廙撰殿中侍御史彭城劉升八分書不署年月刻於後周華嶽頌碑之陰攷蘇頲以開元八年正月罷相爲禮部尚書本傳不載遣禱兩西岳事略之也密邇之邇作詠蓋走彳偏旁字古人多相通代用耳碑左方又有八分書蓮華巍巍竹箭喧喧浩浩今古憧憧往來十六字則銀青光祿大夫守兵部尚書博陵郡開國公崔漢衡所題而華陰縣令盧倣書其時興元元年十二月也又有銀青光祿大夫檢校華州刺史上柱國李休光題額二十字驗其字體亦出盧倣手蓋勒碑之後又六十餘年而始題其額耳碑前兩行下半空處有貞元元年二月檢校水部員外郎崔頴華州司功參軍鄭齊暉華陰縣令韋綬三人題名其下則宋元豐五年正月通直郎劉陶題名碑中空處又有政和壬辰二月顯謨閣直學

士席旦及子奎益題名其餘明人題名不及載

嵩岳少林寺碑 開元十六年七月

右嵩岳少林寺碑裴灌撰并書新舊史皆為灌立傳其封正平縣子則史所失載也或謂子男五等封爵之細於史傳可不書然嘗攷之唐史如魏徵嘗封鉅鹿縣男杜如晦嘗封建平縣男孔穎達封曲阜縣男又進爵為子歐陽詢封渤海縣男歐陽通封渤海縣子韋虛心封南皮縣子吳兢封長垣縣男柳沖封河東縣男俱載於本傳未嘗從略則此之不書者難免疎漏之譏矣

東林寺碑 開元十九年七月

右東林寺碑李北海書後題開元十九年七月十五日建旌張又新記稱李公作東林寺碑手筆一軸俾模而刊石藏於寺者

凡百一十三歲釋雲臯一旦現碑卷歎曰莫石莫刊將焉用僧遂募緣成其事會河東裴公關府鍾陵開臯志願亦垂信施因自染翰贊列爵秩名氏於卷末臯乃得摹而刊於碑是開元中此文初未刻石刻石乃在會昌之世正裴休刺洪州時也唐書裴休傳不云為洪州刺史則史文之略也碑燬於元延祐七年及重紀至元之三年番陽丁信可再摹刻之

齊州神寶寺碑 開元二十四年十月

右齊州神寶寺碑李寰篆兼書李字上半漫漶或疑是子字今其上更有缺文則其姓也在長清縣靈巖山寺本沙門明公駐錫之所唐時改今名以寺北有寶山東有神谷故也古人書丹於石遇石缺陷處則空而不書此碑及景龍道德經石刻皆然

碑側

右碑側刻佛說蜜多心經一卷行書似懷仁聖教序末一行殘缺不得書人姓名

臨高寺碑 開元二十五年四月

右臨高寺碑宣義郎前懷州獲嘉縣主簿常允之撰弟文林郎吏部常選演之書碑文完好可誦歐趙諸家俱未著錄黃叔璥云今在閩鄉縣其書葺為蒼騰為瀾躔為躔躔為躔躔為躔皆別體也閩本从白而碑从白蓋白白二文唐人已相溷矣

立周太師尉遲迴廟碑 開元二十六年正月

右立周太師尉遲迴廟碑歐陽棐集古錄目云前華州鄭縣尉閻伯璵撰序祕書省校書郎顏真卿撰銘今驗石刻良然趙德甫但以爲顏公撰者攷之未詳爾李綽撰尚書故實稱張嘉祐開元中爲相州都督解宇有災異郡守物故者連累政嘉祐至則於正寢整衣冠通夕而坐夜分屏開聞歎息聲俄有人自西廡而出衣中藍纓形器憔悴歷階而上直至於前嘉祐因厲聲問曰是何神祇來至於此答曰余後周將尉遲迴也死於此地遺骸尚存願托有心得畢葬祭前牧守者皆膽薄氣劣驚悸而終非余所害又指一十餘歲女子曰此余之女也同瘞廡下明日召吏發掘果得二骸備衣衾棺器禮而謝之越二夕復出感謝因曰余無他能報效願裨公政節宣水旱惟所命焉嘉祐遂以事上聞請置廟歲時血食上特降詔褒異勒碑敘述卽此碑也

御注道德經 開元二十六年十月

右明皇御注道德經開元廿三年令天下應脩官齋諸州皆於一大觀立石臺刊勒歐陽公趙德甫所收者皆懷州本久不傳

邢州本歸熙甫嘗見之今未審尚存否予所收則易州本也石
幢凡八面額題太上元元皇帝道德經大唐開元神武皇帝注
首載開元廿年十二月十四日勅末題開元廿六年歲次戊寅
十月乙丑朔八日壬申奉勅建戊字少一撇後列易州刺史田
仁琬別駕周憲長史鄭景宣司馬杜欽賢諸人名懷州本經文
御書注則諸王所書此幢經注皆出於一手驗其筆迹蓋蘇靈
芝書也石文間有殘缺亦有石本元缺者如其事好還脫好還
二字用之不可既脫既字信者吾信之脫信者二字知我者希
則我者貴石本止有知我者貴四字以注證之皆當與今本同
易州刺史田公德政碑開元廿八年十月
右易州刺史田公德政碑今在保定府之蓮池書院田琬以開
元廿四年治州有善政廿八年遷攝御史中丞安西都護以去

州人立石頌之碑云公名琬字正勤而趙氏金石錄鄭氏金石
略于氏天下金石志並題作田仁琬德政碑今易州龍興觀石
刻道德經末亦題刺史田仁琬名元和郡縣志又書易州刺史
田琬碑刻立於當時稱名必無差誤不知何以異同若此也唐
會要凡授都督刺史階未及五品者並聽著緋佩魚離任則停
之若在軍賞緋紫魚袋者在軍則服之不在軍不在服限琬階
正議大夫正四品上其結銜稱賞紫金魚袋蓋以軍功得之與
賜紫借紫者有別矣唐六典諸軍各置使一人其橫海高陽唐
興恆陽北平五軍皆本州刺史為使又會要高陽軍本在瀛州
開元二十年移在易州故琬以易州刺史兼高陽軍使也合黎
軍府之名唐書地理志失載不知屬何州也琬嘗為靈州刺史
朔方軍節度副使押渾部落仍檢校豐安定遠及十將兵馬使

攷之於史吐谷渾部落初自涼州徙鄯州不安其居復於靈州
之故鳴沙縣置安樂州以居之又靈州黃河外有豐安安遠新
昌諸軍安遠蓋定遠之譌故朔方節度得兼押渾部落使領豐
安定遠二軍也斗將兵馬使史無文以證之
大智禪師碑陰記開元二十九年五月
右大智禪師碑陰記河南少尹陽伯成撰亦史惟則書伯成嘗
為戶部郎中見唐書崔沔傳

石壁寺鐵彌勒像頌開元二十九年六月
右石壁寺鐵彌勒像頌其文云石壁谷隨隋隸西壽陽縣唐
改壽陽為文水先朝分置交城而立寺焉案隋書地理志文水
舊曰受陽開皇十年改焉交城開皇十六年置是文水之改名
交城之置縣皆在隋時碑以為唐時改者蓋誤而交城之由文

水分則又史所未及載也又攷元和郡縣志壽陽縣本漢榆次
縣地西晉於此置受陽縣即今文水縣是也開皇十年改受陽
為文水縣又於受陽故城別置受陽縣即今縣是也貞觀十一
年改名壽陽唐志亦云壽陽貞觀十一年更名是壽陽之名寔唐初所改隋志
書已改之受陽作受字別置之受陽作壽字似誤碑云隋隸西
壽陽縣攷隋時兩受陽不竝置當因文水在壽陽之西故土
人稱西以別之不云受陽而云壽陽者據後所改而稱之也

充公之頌天寶元年四月
右充公之頌開元廿七年制追謚孔子為文宣王贈顏子淵充
公天寶初都督李庭誨命曲阜縣令張之宏為頌其序云宣王
既已銘焉充公豈宜闕爾似之宏尚有文宣王頌而今不傳矣
碑末列名者丞隴西牛孝麟主簿平陽霍廷玉尉廣平宋休口

天水趙再良尉員外置同正員高陽許瑾邠王文學文宣公孔
璿芝攷唐書宰相世系表璿芝作璿之當從碑為是唐六典上
縣尉二人中下縣尉一人曲阜為緊縣故得員外置尉也碑云
公名回字子泉易淵為泉避高祖諱顏氏家廟碑有若子泉宏
都之德行亦是也顏之推云孔子弟子處子賤處義之後俗字
亦為宓或復加山今兗州永昌郡城舊單父地也東門有子賤
碑漢世所立乃云濟南伏生即子賤之後是知處之與伏古來
通字誤以為宓較可知矣今本史記仲尼弟子列傳作宓不齊
此碑亦用宓賤字正之推所譏為俗字也碑書儒作孺宴作宴
亦異文

嵩陽觀紀聖德感應頌天寶三載三月

右嵩陽觀紀聖德感應頌唐宋碑刻多以撰人姓名列第一行

書人姓名次之題額者又次之此碑首題開府儀同三司行尚
書左僕射兼右相吏部尚書崇元館大學士集賢院學士朔方
節度等副大使上柱國晉國公臣林甫上太中大夫守河南尹
河南水陸運使上柱國賜紫金魚袋兼東京畱守判畱司尚書
省事臣裴迴題額碑末始題朝散大夫檢校尚書金部員外郎
上柱國臣徐浩書與它碑式異季海官卑不敢與林甫迴並列
故也賜紫金魚袋賜緋魚袋例書於結銜之末此獨在兼官之
上碑本八分書獨題年月處作小篆亦它碑所罕有也唐書宰
相表天寶十載正月丁酉林甫遙領單于安北副大都護充朔
方節度等使碑建於天寶三載林甫已領朔方節度副大使疑
史有缺譌矣其兼崇元館大學士集賢院學士則本傳所未載
徐浩傳亦不載檢校金部員外郎皆略之也明皇本紀天寶三

載二月河南尹裴敦復討吳令光此碑題額者為河南尹裴迴
迴與敦復未審即一人否

逸人竇居士神道碑

天寶六載二月

右逸人竇居士神道碑李邕撰段清雲書案唐書本紀天寶六
載正月辛巳殺北海郡太守李邕此碑立於是年二月則在邕
歿之後當時邕有重名而死又非其罪故身歿而文猶見刻古
人之重文行不重勢利如此居士之季子元禮官梨園教坊使
行內侍省內侍而碑文多述其戰功蓋以宦官董軍如楊思勳
之類碑文稱元禮正議大夫後題制新加銀青光祿大夫蓋由
正四品上轉正三品下也柳子厚述唐時葬令云凡五品以上
為碑龜趺螭首降五品為碣方趺圓首居士無位而立碑於法
為僭特以其子方為內侍故當時不以為非雖以李北海之強
直且為製文它人固無論矣碑末一行云其碑傾覆承事郎奉
元路涇陽縣尹兼管本縣諸軍奧魯勸農事姚達禮雅飭為重
立時元後至元六年歲次庚辰四月某日

石怡亭銘序六行二十二字李陽水篆銘五行四十字後題年
月二行皆篆字八分在武昌縣江中洲與開夏秋江漲則沒於
水故石本稍推得王象之與也碑目亦遺之又江夏縣有陽水
象那州二字止專初篆寺尼神立空中士大夫爭慕以致遠謂
其體魅公不知所任矣黃嶺裴姓伯益之後封於邕鄉因以
為氏後徙封解邑乃去邑徙衣此碑裴一從衣一从邑兩字通
用也本題永泰元年己未歲不云元年者歲年同物者文互見也
裴北字深源大歷四年為著作郎兼守御史道州刺史杜子美
集有次相工裴錢裴二端公赴道州詩即此也

迎與敦復未審即一人否
嘉元二年... 碑題額者為河南尹裴迥

立朝... 永泰元年五月
立朝... 永泰元年五月
立朝... 永泰元年五月

潜研堂金石文跋尾續第三

唐

怡亭銘 永泰元年五月

右怡亭銘序六行二十二字李陽冰篆銘五行四十字後題年
月二行皆李莒八分在武昌縣江中洲嶼間夏秋江漲則沒於
水故拓本稍難得王象之輿地碑目亦遺之又江夏縣有陽冰
篆鄂州二字世傳初篆時鬼神泣空中士大夫爭摹以致遠謂
可禦魘魅今不知所在矣廣韻裴姓伯益之後封於豈鄉因以
為氏後徙封解邑乃去邑從衣此碑裴一從衣一从邑兩字通
用也未題永泰元乙巳歲不云元年者歲年同物省文互見也
裴虬字深源大歷四年為著作郎兼侍御史道州刺史杜子美
集有次湘江宴餞裴二端公赴道州詩即虬也

嘉定錢大昕



李寶臣紀功載政頌 永泰二年七月

右成德軍節度使李公紀功載政頌王佑撰王士則書士則蓋
武俊之子其署銜稱推官案史節度使之屬有推官有衙推
此推勾官疑即推官矣寶臣之降唐封清河郡王唐書藩鎮傳
不載却有進封隴西郡王事然宰相世系表止稱清河郡王疑
傳之誤也

唔臺銘 大歷二年六月

右唔臺銘後題大歷二月歲次丁未六月十五刻次山尚有
浯溪唐廡二銘皆瞿令問篆書以地僻蘚厚難搨惟此銘世多
有之雖不著書人姓名當亦令問筆也說文只有浯字唔唐則
次山自出新意名之書家以其形聲相應即依偏旁而為之篆
所謂自我作古也李少溫名陽冰本取木華海賦陽冰不治之

義其兄澥字堅冰皆冰霜之冰也而少溫書名亦從俗作冰蓋
由楷書借冰為父相承已久章奏告身既用冰字篆書不便更
易故爾

李氏遷先塋記 大歷二年

右李陽冰書遷先塋記宋大中祥符三年吳興姚宗萬以年代
寔遠字體不完率好古者數人出錢令武威安琮重開題名於
首行空處今碑已中斷損二十許字矣說文改更字从戊已之
已殺改字从辰已之已徐鉉引陽冰說謂已_巳有過支之即改而
此碑書改元字却从已不从巳秦詛楚文改亦從已蓋二文可
假借也坻字說文玉篇廣韻集韻俱不載惟家語執轡篇息土
之人美坻土之人醜注坻耗字此少溫所本矣敘說文从支此
與三墳記俱从又泉即洎字水當在左旁變文居下

三墳記

右三墳記與遷先塋記同時立皆李季卿文陽冰書桌光刻碑末無重開年月而字畫更明顯筆力似較弱蓋開鑿又在前碑之後也文云下土得漑上腴成賦說文無漑字蓋用楚辭后土何時而得漑語又云僅逾強仕以講陰堂後漢書周磐夢見先師東里先生與講于陰堂之與既而長歎其月無病忽終記益用此事也吳當从夬而碑从天聲當从叡而碑从雷房番亥之譌

龔邛令庾公德政頌

大歷五年九月
右龔邛令庾公德政頌凡十三行題年月于碑文之前字特大它碑所罕有也碑建於大歷五年至金貞元三年龔縣令宋佑之訪得之廳事後龔土中斷壞散亡僅存其半復訪於邑人彭

龔家得舊搨本重勒之石佑之自為記鄉貢進士卜儒卿為跋竝刻於碑之左方龔邛漢寧陽縣地北齊置平原縣隋以縣東南二十里有龔邛城更名宋大觀四年避宣聖諱祇稱龔縣金大定二十九年避顯宗諱復改為寧陽縣元明以來因之碑書荀為荀案說文無荀荀二字徐鉉新附荀字廣韻荀本姓郇後去邑為荀則荀姓當書為郇今書作荀所未詳也

謙卦碑

右李陽冰書易謙卦謙字凡二十見無一同者其以謙譎詡代謙字世多疑之案漢書藝文志易之謙謙一謙而四益顏氏注謙字與謙同大學此之謂自謙鄭氏注謙讀為慊荀子臭之而無謙于鼻楊倞注與慊同蓋謙慊慊三字古皆通用也說文膺古文籃字集韻廉古作盾廉與籃聲相近故可借用碧落碑飛

廉之廉作盾蓋省一少此碑以言勿盾為謙則借廉為兼也訃說文多語也唐韻汝閻切與謙字音雖相近而義各殊未知少温所據

左金吾衛將軍臧希晏碑 大歷五年十月

右左金吾衛將軍臧希晏碑首云有唐廣德二年八月五日朔左金吾衛將軍臧公薨於□□安邑里之私第享年五十有三
大歷五年十月十五日葬於三原縣長功鄉則碑立于大歷間明矣而金石文字記以為廣德二年八月殆未諦審其全文乎
撰碑者為銀青光祿大夫兵部侍郎清河郡公張某其名不可辨

文宣王廟新三門記 大歷八年十二月

右文宣王廟新三門記朝散大夫檢校祠部員外郎兼侍御史裴孝智撰前義王府倉曹參軍裴平下丹并篆額下丹者書丹也孝智出自東眷官至都官郎中見唐書世系表明皇子有義王玘平殆其府之屬吏乎記文有闕宮霞敞句吾友吳訓導玉搢疑敞為敞之譌予意當是敞字而省其艸爾集韻敞敞二字互相通

干祿字書 大歷九年正月

右顏元孫干祿字書第十三姪男真卿書魯公元刻在湖州今所傳者宋人翻刻本在四川之潼川府頃孟吏部超然視學蜀中拓以贈予案唐書地理志濠州鍾離郡濠字初作豪元和三年改从濠韓退之有徐泗豪三州節度掌書記廳石記洪慶善攷退之作記在貞元十五年因據唐志以證俗本作濠之誤而吳曾能改齋漫錄駁之且引杜佑通典稱濠州北齊為西楚州

隋改曰濠州因濠水為名而唐初因之佑上通典在貞元十年其書初不見濠字以此知韓文作濠者為是今攷此碑元孫結銜稱滁沂濠三州刺史濠不從水旁石刻分明可以徵信又廣韻濠字下注州名古鍾離國隋改為州廣韻本於孫恂恂撰唐韻在天寶十載足徵其時州名不從水也李吉甫元和郡縣志亦云武德五年杜伏威附改濠州濠字中間誤去水元和三年又加水焉正與唐志相合杜氏通典偶漏不載而吳乃據以議歐志之失豈其然乎

杭州錢唐縣丞殷君夫人碑 大歷

右杭州錢唐縣丞殷君夫人顏氏碑第十三姪男金紫光祿大夫行湖州刺史上柱國魯郡公真卿撰并書首云君號曰定琅邪臨沂人北齊黃門侍郎之推府君之季皇朝秦王記室思魯府君之曾著作郎集賢學士勤禮府君之孫文中又稱祕書監元孫府君太子少保惟貞府君自父祖以上皆稱府君而直書其名所謂臨文不諱也篇中不稱夫人而稱君亦變例也稱曾季而去孫字與漢尹宙碑同唐書殷踐猷傳族子成已晉州長史初母顏叔父吏部郎中敬仲為酷吏所陷率二妹割耳訴冤敬仲得減死及成已生而左耳缺云讀此碑乃知即魯公之姑其二妹者一為宜芳令裴安期妻其一則殘缺不可辨矣殷君之名殘缺不見寶刻類編載顏魯公書有殷履直夫人顏氏碑開元二十六年立在洛陽疑即此碑也夫人以開元二十五年卒明年正月祔葬此碑乃魯公為湖州刺史時追立蓋在大歷間

贈太子少保顏惟貞廟碑 建中元年十月

右贈太子少保顏惟貞廟碑唐書稱真卿為師古五世從孫以此碑證之魯公乃崇賢學士勤禮之曾孫師古與勤禮為親兄弟則魯公於師古為從曾孫不得云五世從孫也廣韻顏姓出琅邪本自魯伯禽支庶有食采顏邑者因而著族又邾武公名夷字曰顏故公羊傳稱顏公後遂為氏然則琅邪顏氏出自姬姓與曹姓之顏源流各別碑稱邾武公名夷甫字顏子友別封邾為小邾子遂以顏為氏多仕魯為卿大夫魏有青徐二州刺史盛始自魯居于琅邪臨沂孝悌里與廣韻異魯公自云官階勳爵竝至二品予以史證之太子少師官也光祿大夫階也皆從二品上柱國勳也魯郡開國公爵也皆正二品

顏魯公像并奉使蔡州書

右顏魯公像并奉使蔡州書在同州府宋靖康元年七月祕閣修撰知同州唐重所刻題云重既摹公之像於蒲繪而祠之又訪得此石本狀貞老矣公以乾元元年自同徙蒲至奉使時垂三十年氣節不衰而狀貞非昔也乃刻石而寘之祠室俾觀者有攷焉案魯公以貞元元年乙丑為李希烈所害時年七十六則乾元元年戊戌年止四十九故二像鬢眉不無壯老之別重字聖任眉州彭山人建炎初以天章閣直學士知京兆府與金人戰城陷死之蓋忠義得之性成宜其有慕于魯公也

藏真律公二帖

右僧懷素草書藏真律公二帖宋時為京兆安師孟家藏有周越馬宗誨劉摯韓忠彥趙瞻諸人題跋其云寬夫者文彥博也微仲者呂大防也穎叔者蔣之奇也冲元者許將也固者孫固也元祐八年游師雄以安氏藏本模刻于長安漕臺之南齋元

符三年孫軫龕置便廳壁間俱有題識

蜀丞相諸葛武侯祠堂碑 元和四年二月

右蜀丞相諸葛武侯祠堂碑元和四年立是時武元衡以宰相出鎮西川裴度柳公綽皆為幕僚唐書元衡傳所云開府極一時選者是也柳公綽傳稱武元衡節度劔南與裴度俱為判官尤相引重今案裴公時為節度掌書記公綽以營田副使兼成都少尹皆非判官特同在帥府耳碑不見于歐趙二錄王象之撰輿地碑目始載之明時碑已剝落蜀府承奉滕嵩訪得舊本鐫補其闕文巡撫四川監察御史藍田榮華跋于右方空處其左有康熙十一年巡撫羅森題字

南海廣利王神廟碑 元和十五年十月

右南海廣利王神廟碑碑首行題字與全文大小疎密不類似經後人磨改昌黎集本題中無廣利王三字此碑有之蓋磨治添入者碑左側有明嘉靖丙戌施儒題名右側則萬歷癸巳王宏誨等題名予諦觀其行間及下空處隱隱有字跡蓋昔人所題為儒與宏誨磨去可恨

忠武軍監軍使朱孝誠碑 長慶元年二月

右朱孝誠碑題云唐故忠武軍監軍使寧遠將軍守內常侍員外置同正員賜紫金魚袋上柱國贈雲麾將軍左監門衛將軍朱公神道碑忠武軍節度副使朝議郎檢校尚書職方郎中兼御史中丞上柱國賜紫金魚袋蘇遇撰翰林待詔朝議郎行常州司法參軍上柱國曹鄴書并篆額在三原縣乾隆戊子歲縣人培土得之頃江寧嚴侍讀冬友遊秦中歸摹以遺予書法流麗可愛其文有云元和初張伯靖負固敘州肅聚蠻落公銜命

於叙擾之際撫諭於溪洞之中遂使投戈感恩歛衽向化掉三寸舌息數州兵案唐書憲宗紀載伯靖之降不言何人所招致嚴綬傳則云遣將齎檄開曉羣蠻悉降亦不言所遣者何人讀此碑乃知孝誠實銜命以行孝誠乃中人非綬部將亦足以裨史文之闕史稱伯靖澱州蠻碑作敘當以碑為正孝誠為李光顏監軍平淮西破李師道皆預有功光顏自忠武徙鎮邠寧孝誠仍畱監忠武軍碑云澱蔡牢落陳許瘡痍二年之中四更節將公撫新懷舊軍郡帖然蓋紀光顏徙鎮以後事忠武軍初領陳許二州元和十二年增領澱州十三年又增領蔡州故兼舉澱蔡也其云午參之機變繆子之薦賢此用春秋傳伍參戰國策繆賢事伍參古今人表作五參說文五从二陰陽在天地間交午也是午與五通

李紳題名

寶歷元年二月

右李紳題名在肇慶府之七星巖其文云李紳長慶四年二月自戶部侍郎貶官至此寶歷元年二月十四日將家累遊凡五行自左而右郭功父石室遊篇云攷二李之勁筆謂李北海石室記及此刻也唐書本傳敬宗立李逢吉乘閒言紳不利于陛下請逐之帝初即位不能辨乃貶紳為端州司馬敬宗以長慶四年正月即位二月辛巳始聽政紳之貶官正在此時其明年改元寶歷矣

西平郡王李晟碑

太和三年四月

右西平郡王李晟碑晟薨於貞元九年即以其年葬後三十五年為太和元年子聽官義成節度使疏請立碑于墓乃勅宰相裴度撰文柳公權書之碑文簡略不及史傳敘事之詳惟云乾

元初客武都值簡豪以缺守遘亂殺掠平人公與所從十數馳而射之殪其為魁者餘黨遂遁寇所虜獲積如邛山公一無所取惟椎牛醢酒享士而去邦人具狀以聞特拜左清道率則新舊史俱未之載也晟祖思恭洮州刺史父欽左金吾衛大將軍今南監本汲古閣本唐書世系表云思恭金吾刺史欽左洮州衛大將軍乃轉寫之譌爾碑經後人重開雖閒架尚存而神采頓減如裴晉公署銜當云特進守司空今譌守為爵俗生不通官制以臆妄改甚可笑也

阿育王寺常住田碑

太和七年十二月

右阿育王寺常住田碑前祕書省正字郎萬齊融撰順陽范的書的刻越閒隱士順陽其本望也唐時祕書省著作局集賢院司經局皆設正字或四人或二人階或正九品下或從九品上此碑結銜係以郎字不知何時所增也于季友撰後記及季友的贈答詩即刻於碑之左方朱錫鬯以為碑陰者誤

五經文字

右五經文字三卷國子司業張參撰成於大歷十一年洎開成中始刻于石朱錫鬯謂參姓名僅一見于宰相世系表一見于藝文志予攷唐書李勉傳嘗引李巡張參在幕府後二人卒至宴飲仍設虛位沃饋之又常袞傳袞始當國議增給百官俸時韓滉使度支與袞皆任情輕重滉惡國子司業張參袞惡太子少詹事趙碁皆少給之是則史于參事固不止一再見矣吾于勉傳見參之見重友朋又于袞傳見參之不阿貴近參雖無傳未為不幸也石刻參字下从彡後人妄改從小

九經字樣

開成二年八月

右九經字樣前載開成二年八月十二日中書門下牒牒尾列
銜者六人曰工部侍郎平章事陳夷行曰中書侍郎平章事李
石曰門下侍郎平章事李固言曰右僕射兼門下侍郎國子祭
酒平章事覃並與唐書宰相表合鄭覃以僕射不書姓唐宋故
事如此曰檢校司徒平章事劉下注使字而不名者劉從諫也
致本傳太和初拜司空六年入朝明年還藩進同中書門下平
章事不云檢校司徒而宦官仇士良傳稱澤潞劉從諫上書請
清君側士良沮恐進從諫檢校司徒欲弭其言則傳蓋漏此事
矣傳云進司空而三公表無之當是檢校司空非真拜也表于
檢校官例不書曰司徒兼中書令下注使字姓名俱不書者裴
度時為山南東道節度使也

大達法師元祕塔碑

會昌元年十二月

右大達法師元祕塔碑裴休撰其署銜稱山南西道都團練觀
察處置等使改唐書方鎮表建中元年升山南西道觀察使為
節度使嗣後無降為團練使事蓋史文有脫漏爾休傳不載觀
察山南西道一節亦略也

吏部尚書高元裕碑

大中六年十一月

右吏部尚書高元裕碑元裕以大中六年六月廿日薨其年十
一月十日歸葬河南府伊闕縣白沙之南原碑今在洛陽縣南
三官凹蓋伊闕地後併入洛陽矣碑題渤海縣開國男而新舊
書本傳稱封渤海郡公蓋史之誤北史高勣字敬德襲父爵清
河王改封安樂侯當作樂安唐書世系表作樂安侯碑稱敬德改封
樂安王未詳孰是或始封王而例降為侯乎恭僖皇太后敬宗
母王氏懿安皇太后憲宗后郭氏也

南翔寺尊勝陀羅尼經幢

右尊勝陀羅尼經石幢二在嘉定縣南翔寺大殿前東西相對一立于咸通八年十二月一立於乾符二年八月皆題建幢弟子莫少卿老宿僧行齊院主僧文脩名宋太平興國五年元元統二年皆嘗重脩鐫記歲月于幢上太與泰古文只是一字漢書食貨志三登曰泰平此幢題年號作泰平興國李陽冰先塋記書天寶作天珣古人於本朝年號或用古文別體書之無所嫌也寺在縣城南二十四里寺旁煙火萬家商賈所集爲吾邑大鎮予少時乘舟過此者三四皆未畱泊丁亥歲南歸王鶴溪爲予言寺有唐石幢乃往訪之薄暮讀其文不及搨而還己丑夏予將北行鶴溪募工各搨一紙遺予吳中少唐以前石刻此幢雖經後人重修尚是唐物顧志乘未有及之者予集錄金石刻絕遠如隴蜀閩粵及西北塞外碑碣頗有入予錄者惟此得之獨後始知古蹟之蔽于耳目之前者不少而鶴溪之嗜古好事爲難得也

吳承泌墓誌 乾寧二年十二月

右內樞密使特進左領軍衛上將軍知內侍省事上柱國濮陽郡開國侯食邑一千戶食實封一百戶吳承泌墓誌翰林學士裴庭裕撰翰林待詔閩湘書文云乾寧二年春正月二十日薨于瀝水年四十五稟君命也冬十月一日上御札于中書門下許公昭雪十一月二十日葬于京兆府萬年縣瀝川鄉北姚村禮也承泌以景福二年出宣徽北院使除樞密未及二載而誅之未久又得昭雪蓋其時朝廷爲方鎮所制生殺之權不能自主以史攷之景福二年鳳翔李茂貞稱兵而樞密使李周潼

殺乾寧二年邠寧王行瑜等稱兵而樞密使康尚弼殺承泌除官在周潼之後尚弼之前中朝多故其不免于死宜矣宣徽樞密唐時為內侍之職五代始以士人為之而樞密之權幾在宰相上宋以樞密為執政官而宣徽南北院使恩數亦視執政與唐時名同而實異矣

萊州刺史唐貞休德政碑

右萊州刺史唐府君德政碑今在萊州府治文字殘缺撰書人姓名立碑年月皆不可攷貞休新舊史俱無傳以碑所載歷官攷之蓋嘗為華州司倉參軍岐州扶風縣令雍州奉天縣令安國相王府諮議參軍比部郎中洛州洛陽縣令遷萊州刺史由刺史遷都督以去案唐書官志景雲二丁置都督二十四人察刺史以下善惡秩比侍御史貞休除都督蓋在其時碑文都督下似是潭字疑除潭州都督也宰相世系表稱貞休鄜州刺史不及萊州者據所終之官言之也趙氏金石錄有萊州刺史于府君碑沙門重閏八分書開元十年七月立此碑亦八分書以年代攷之正相近疑德甫所收即此後人轉寫誤以唐為于爾德甫嘗知萊州碑見在州治不應獨遺之

趙琮墓誌

右趙琮墓誌前試左武衛兵曹參軍田口書文多漫滅其略曰趙氏稟即裔天水別口易州來水縣頃因先父海隅從軍地遠徙居青府君諱琮字光有男三人女一人乙未歲季夏月五日遇疾青州之私第即第丙申年七月三日得吉夕殯益都縣南五里建口雲門山東壘即岡原其首行題曰唐故居士天水趙府君墓誌銘文中世字缺筆知其為唐刻也此石今在益都李

文藻南湘家

後唐

振武節度使李存進碑 同光二年十一月
右振武節度使李存進碑前幽州節度判官呂夢奇撰夢奇蒙
正之大父也五代史存進傳敘其歷官本末其略且多舛誤傳
云太祖攻破朔州得之賜以姓名養為子從太祖入關破黃巢
以為義兒軍使今以碑攷之國昌帥振武時存進已在帳下及
從克用立功為節度押衙左廂衛隊威雄第一都副兵馬使奏
授銀青光祿大夫檢校太子賓客兼監察御史大順元年遷殿
中侍御史景福二年五月始賜姓名補充右廂義兒第一院軍
使其時距入關破巢幾及十年攻破朔州又在其前安得即有
賜姓名為養子之事乎傳云歷慈沁二州刺史據碑則存進在

太祖時已嘗權知汾石二州軍州事莊宗時真授石州刺史再
知汾州軍州事又授慈州刺史又權知沁州軍州事蓋未嘗真
授沁州刺史也通鑑載晉王在魏時以沁州刺史李存進為天
雄都巡按使攷異云莊宗實錄稱軍城使存進傳稱都部署莊
宗列傳及薛史存進傳皆云天雄軍都巡按使今從之予攷碑
文本云天雄軍都部署巡檢使它書作巡按者即巡檢之譌或
云都部署或云都巡檢各就省文似異而實同也碑又云劉鄩
在葦縣與主上對壘經年公在都城每切嚴備有日私謂人曰
此賊固險不戰必有多謀俾于南門多排弓弩以待之其夜果
有鄩黨攻城南門弓弩齊發死傷者甚眾遂令輕騎潛報主上
于東寨于是王師盡出及旦兩軍相遇于中途五万穴口剿戮
將盡惟鄩遁而獲免此事可補五代史及通鑑之闕存進字光

嗣年六十有八皆史所應載而失之者也通鑑同光元年追尊祖國昌曰獻祖文皇帝五代史則云國昌謚文景此碑正作獻祖文皇帝可正歐史之譌矣楊劉鎮碑作陽畱

吳

大安寺香爐題字 大和五年七月

右大安寺香爐題字在南昌府大安寺山陰徐壁堂知南昌縣榻以遺予字皆陽文首云吳大和五年歲次癸巳七月乙亥朔十五日己丑鑄此香爐重一万二千斤於大安寺大殿永充供養上為國王口口府尊令公州縣文武官寮云云又一面云尚用上胡德蕭道昂丁從口寺造大殿上用釘二万口與香爐上共緣化得鐵及錢收買共計用鐵一千四百斤打造上殿使用竝足永充供養秀水朱氏跋略載此文頗以意更其次第於鑄此香爐下增入收買鐵及錢打造七字今驗前後別無鐵及錢之文殆誤以及為反爾此爐重一萬二千斤後云緣化得鐵及錢收買共計用鐵一千四百斤者乃指打造鐵釘所用之數牽合為一失其實矣朱氏所見拓本得之上元燈市故疑此寺當在金陵不知其在南昌也

南漢

黃蓮山銅鐘題字 大寶二年七月

右黃蓮山銅鐘題字凡四行文云粵惟大寶二年太歲己未七月甲辰十九日壬戌樂昌黃蓮山寶林禪院住持長光明徽大師賜紫沙門義初呂眾緣鑄造銅鐘壹口重肆伯斤勸首弟子給事郎守內侍省內府局令都監樂昌防遏諸都并監樂昌縣事賜紫金魚袋鄭敬贊以七月廿八日設齋慶讚永充供養攷

韶州府志樂昌縣有寶林寺宋嘉祐三年僧圓祐建無所謂寶林禪院者至黃蓮山則志乘失載訪之樂昌人亦眇能舉其名矣此鐘不知何時移至韶州府學乙未歲四月予按試至韶謁先聖祠見此鐘臥儀門旁問之校官答以方撤蓋覺舍委置于此既手摸其文并屬校官仍懸之明倫堂云

雲門山匡聖宏明大師碑 大寶七年四月

右雲門山匡聖宏明大師碑西御院使集賢殿學士御前承旨太中大夫行左諫議大夫知太僕寺事上柱國賜紫金魚袋陳守中奉勅撰列聖宮使甘泉宮使秀華宮使翫華宮使開府儀同三司行內侍監上柱國李托玉清宮使德陵使龍德宮使開府儀同三司行內侍監上柱國武昌縣開國男食邑三百戶龔澄樞承旨建右街大乾亨寺內殿供奉講論兼表白意法大師

賜紫沙門行脩奉勅書今在乳源縣之雲門山文偃唱道雲門與臨濟馮仰曹洞法眼竝稱五宗而此碑前人著錄無及之者偃初住雲門之光泰禪院劉龔賜號匡真大師劉銀太寶中追謚大慈雲匡聖宏明大師五燈會元述師謚稱大慈雲匡真宏明蓋誤合前後謚號為一又以光泰為光奉亦轉寫之譌也睿聖文武隆德高明宏道去光孝皇帝蓋銀所止尊號當據以補十國春秋之闕守中文詞博瞻行脩書亦不俗而十國春秋不錄其名氏蓋志伊亦未見此碑也

南唐

元寂禪師塔碑 開寶二年五月

右上都右街龍光禪院故元寂禪師塔碑朝議大夫守中書侍郎充光政殿學士承旨南陽縣開國男韓熙載撰朝議郎守中

書舍人充集賢殿學士知院事徐錯題額將仕郎試右千牛衛
倉曹參軍直尚書禮部張藻書後題開寶二年不稱大宋蓋其
時雖用中朝正朔而未嘗以宋號冠之文中稱楊吳順義太和
唐保大紀年至去帝號以後但稱歲辛酉壬戌并不用建隆之
號熙載豈甘心事小朝廷者縱聲伎自誇辭相位而不居良有
以也熙載官中書侍郎光政殿學士承旨與宋史合其稱金陵
為上都則它書所未載也禪師名隱微預章新淦人葬于吉州
吉水縣仁壽鄉太平里元帥鄭王時任保釐捨財俾營塔廟攷
之宋史後主弟從善嘗封鄭王意即其人歟予家藏石刻千餘
通獨未得南唐碑頃益都朱進士廷基出宰吉水搨此本見貽
喜而跋之

北漢

天龍寺千佛樓碑

廣運二年八月

嘉定錢大昕

右天龍寺千佛樓碑推誠佐命保祚功臣特進行尚書左僕射
兼中書侍郎平章事上柱國隴西郡開國公食邑三千戶臣李
暉奉勅撰翰林書令史劉守清書翰林書令史王廷譽篆額暉
以宰相奉勅撰文列名碑文之前守清廷譽則列名于碑末年
月一行之下不稱臣亦不云奉勅微之也吳任臣十國春秋載
此碑頗多闕文今得石本校之可識者尚廿許字舛誤者又數
字始歎博聞之家又以審核為難爾

中書門下三品其時中書令侍中皆正三品大歷中始升為二
品晉天福五年升中書門下平章事為正二品國初樞密吳廷
祚以父諱璋加同中書門下三品用升品也以此碑證之良然
曾子固隆平集吳廷祚傳云宋興加中書門下三品宋史亦同

晉書人充集賢殿學士知院事徐鉉題額將仕郎試右千牛衛
分曹參軍直尚書禮部張藻書後題開寶二年不稱大宋蓋其
時雖用中朝正朔而未嘗以宋統冠之文中稱楊吳順義太和
居位大紀年至去帝號以後但稱歲辛酉壬戌并不用建隆之
字故漢謝開之察又以審林為鑊爾自冷辭相位而不居良有

此軀歟多闕文今詳云本姓之可端皆尚什指字較題皆又樓
凡一計之不辭百亦不云奉陳姓之也吳封百十國春秋漢
心宰昧奉陳姓文何各與文之前中書書傳林書今史王致譽參殿
戰奉陳姓林書今史隱中書書傳林書今史王致譽參殿
兼中書書傳林書今史隱中書書傳林書今史王致譽參殿
古天讀書千與對對始武命利林也百封姓行尚書武對林
北天讀書千與對對始武命利林也百封姓行尚書武對林

潛研堂金石文跋尾續第四

嘉定錢大昕

宋

篆書千字文

乾德三年十二月

右石刻千字文南岳講華嚴法界觀賜紫沙門夢瑛篆并古文
題額前攝涇州節度巡官袁正己隸書推誠奉義翼戴功臣永
興軍節度管內觀察處置等使特進檢校太尉同中書門下二
品行京兆尹上柱國濮陽郡開國公食邑二千七百戶食實封
八百戶吳廷祚建案宋敏求春明退朝錄云唐大帝時始有同
中書門下三品其時中書令侍中皆正三品大歷中竝升為二
品晉天福五年升中書門下平章事為正二品國初樞密吳廷
祚以父諱璋加同中書門下二品用升品也以此碑證之良然
曾子固隆平集吳廷祚傳云宋興加中書門下三品宋史亦同

皆傳寫之誤夢英字从王旁亦惟見於此

涇州回山重修王母宮記咸平元年

右涇州回山重修王母宮記翰林學士承旨刑部尚書知制誥判吏部流內銓事陶穀撰推誠宣力翊戴功臣彰化軍節度涇渭等州觀察處置押蕃洛等使光祿大夫檢校太師兼御史大夫上柱國清河郡開國公食邑三千戶食實封八百戶張鐸建其文云太師清河公受朕建牙三臨安定歲戊辰春二月公介圭入覲天子設庭燎以延之奏肆夏以寵之臨軒絕席以綏懷大輅繁纓以錫命禮成三接詔還舊鎮攷宋史張鐸傳但云復鎮涇州其三任年月史無文以證之矣戊辰歲入覲詔還鎮及清河郡公之封皆本傳所未載戊辰則藝祖開寶元年也碑立于開寶二年以書有誤咸平元年請南岳宣義大師夢英重書

碑末列知涇州軍州事柴禹錫等名距立碑之日蓋三十年矣地理志涇州安定郡太平興國元年改彰化軍節度今鐸建碑在開寶之初已稱彰化軍節度則涇之建節鎮不始于太平興國矣

頌行莊子詔景德三年八月

右頌行莊子詔文云中書門下牒奉救莊叟元言理歸于沖漠郭象為注義造于精微既廣元風實資至治朕仰崇古道俯勸烝民言念此書盛行于世尚多踳駁已命校讎將永煥于縑緗宜特滋于雕鏤牒至准救故牒景德三年八月五日右諫議大夫參知政事趙兵部侍郎參知政事馮工部尚書平章事王皆不書名以史攷之蓋王旦馮拯趙安仁也

陳揆等題名景德四年十一月

右陳揔等題名文云大宋景德四年仲冬月二十有二日知軍州事陳揔前知軍州事劉起與新授知新州吳有鄰洎司理參軍章堯臣高要縣主簿劉均同遊是室起凡四至并題凡六行其文左行翁學士方綱錄七星巖宋人題名多至卅餘通而此刻獨未之及劉起陳揔二人攷廣東通志收守題名亦遺之吳有鄰通志作有隣皆可據石刻以證其闕譌也

登泰山謝天書述二聖功德銘大中祥符元年十月

右登泰山謝天書述二聖功德銘真宗御製御書大中祥符元年十月二十七日御書院奉勅模勒上石宋史禮志載玉冊玉牒文而未及此銘略之也碑在泰安府城南門外五石合成高九尺廣二丈三尺一寸額高二尺八寸廣五尺五寸碑北向明巡按吳從憲篆刻其陰曰泰陰碑俗謂之陰字碑泰安人聶劍

光爲予言此碑有二一勒山下所謂陰字碑也一勒山上在唐磨崖碑之東字徑二寸明嘉靖間俗吏鄆人汪坦大書題名又汝南人翟濤題名及書德星巖三字竝饒蓋于上每行毀三四十字不等尚有字句可讀篆額登泰山謝天書述二聖功德之銘十三字完好如初文獻通攷王欽若言唐高宗元宗二碑之東石壁南向平峭欲卽崖成碑以勒聖製上曰朕之功德固無所紀若須撰述不過謝上天敷佑敘祖宗盛美爾命勒石北向以荅天眷元好問東遊略記云嶽頂封禪壇下有唐宋磨崖據此則真宗述功德銘先經磨勒岱巔後又立碑城南也乃後人第知有城南之碑不復知有岱頂之碑矣

棣州防禦使檢校太保石保興碑大中祥符四年十二月

右棣州防禦使檢校太保石公碑翰林學士楊億撰文待詔尹

熙古書并篆額碑下截多剝落名字不可見以史攷之蓋守信之子保興也所述歷官先後與史略同惟保興由銀夏綏麟府州都巡檢丁內艱起復澶州駐泊都監而傳書除澶州都監于巡檢銀夏綏之前又失書母喪起復事傳又云淳化五年爲承興軍即京兆府鈐轄改夏綏麟府州鈐轄據碑保興自京兆府兵馬鈐轄徙延州路鈐轄無再任夏綏事皆當以碑爲正碑云公初名貞太祖改錫今諱傳云本名保正者史家避仁廟嫌名易貞爲正也守信追封衛王累封秦王保興封西安郡公追贈貝州觀察使史皆當書而不書可據碑以補之碑云歸葬河南洛陽縣平樂鄉宣武村梓澤原之先塋近時黃觀察叔璫撰中州金石攷按羅洛陽碑碣甚富獨不及此碑何也

靈祐觀中書門下牒

天禧五年十月

右靈祐觀中書門下牒今在吳縣之洞庭山林屋洞旁文稱蘇川重修林屋洞神景觀奉勅宜賜靈祐觀爲額案松陵集皮陸唱和有曉次神景宮及三宿神景宮詩是唐時本名神景宮而此牒稱神景觀豈宮觀之名可通稱歟抑宋初嘗改宮額爲觀而志吳郡者偶失載歟牒尾列銜者四人曰吏部侍郎參知政事王者王曾也曰工部尚書參知政事任者任中正也曰左僕射兼中書侍郎平章事者馮拯也曰守司空兼門下侍郎平章事者丁謂也謂拯二人不書姓者周必大二老堂雜志云祖宗朝宰相官至僕射勅後乃不著姓他相階官自吏部尚書而下皆著姓此勅拯官左僕射謂守司空階又在僕射之上故皆不著姓也

朱顯之題名

慶歷二年十二月

三年二月附

右朱顯之題名其一云慶歷壬午歲臘月郡守將朱顯之同監軍麥仲珣獄掾楊仲卿攝宦梁揆鄉秀崔宗周合浦貢士梁立本游茲勝境顯之謹題男諷捧硯詢詠侍立凡四行其文左行其一云轉運使尚書郎馬尋子正慶歷三年癸未歲二月二十二日游斯勝槩春宮吏知端州朱顯之從晦新賀州幕杜偉士遜新建昌邑佐許奇彥伯參陪顯之謹題凡八行竝在七星巖洞其書臆作臆參作參皆俗體也

同游泐溪石室記

皇祐二年三月

右余靖游泐溪石室記後題今天子親享明堂之歲以史攷之蓋皇祐二年也泐溪在樂昌縣西北五里江夏黃昌齡子京知縣時靖以光祿少卿分司南京居韶暇日同遊因作斯記而昌齡書之宋史靖傳但云改將作少監分司南京居曲江不言轉光祿少卿亦漏也

永通監記

皇祐二年十月

右永通監記宋史食貨志慶歷末韶州天興銅大發歲采銅二十五萬斤詔卽其州置永通監今以此碑攷之韶州置監之議始于三司使葉清臣宋祁而轉運使傅惟口知韶州欒温故成之宋史清臣祁本傳略不及此事未免失之闕漏記又云初郡之銅山五歲共市七萬前太守潘君一歲市百萬及欒君繼之乃市三百萬明年又差倍之歲運羨銅三百萬以贍嶺北諸冶則歲采之數亦不止二十五萬斤矣王象之輿地碑目載余襄公所撰碑在韶州者凡五今惟泐溪石室記猶存而此記則象之所未著錄也

陶翼嵩臺石室文

皇祐五年仲夏

右陶翼書端州嵩臺石室文後題炎宋皇祐五年者宋以火德
王仁宗康定初復因集賢校理胡宿之請於商邱爲壇祀大火
以闕伯配故有炎宋之稱矣文稱與前郡守丁寶臣元珍今郡
守江東之唐公乘公之休縱游爲樂元珍歐陽文忠公之友也
唐公之名蓋取唐相張柬之翁氏釋作東之蓋沿廣東通志之
譌

重修南海廟記 治平四年十月

右重修南海廟記章望之撰記府帥尚書左丞集賢院學士某
修廟事望之以古文名宋史入之文苑傳蘇子瞻正統論稱章
子者卽其人也第史稱望之建州浦城人而此碑題武寧章望
之未知其審宋時諸州守臣帶安撫使者謂之帥廣州守例兼
經略安撫使品卑者則稱主管經略安撫司公事故云府帥宋
史職官志廣州帶安撫使兵馬鈐轄又云建炎初分置帥府以
諸路帥臣兼其後廣州收以都鈐轄爲稱今攷之石刻廣州諸
守臣結銜如治平之呂居簡熙寧之程師孟已稱兵馬都鈐轄
而南渡以後若乾道之陳輝咸淳之陳宗禮則又稱馬步軍都
總管此類皆史之所不及載也

周茂叔題名 熙寧二年正月

右周茂叔題名在肇慶府之七星巖文云二年正月七日其上
四字漫滅以朱文公所撰事實攷之蓋熙寧己酉任廣南東路
轉運判官時也後有淳祐壬子呂中續題距濂溪題名已百有
八十四歲矣上方橫刻濂溪周元公筆蹟七字當亦呂中所題
也宋史藝文志有呂中國朝治迹要略十四卷未知卽此人否
元公不以書法名而心畫端勁頗似顏平原聞德慶之三洲巖

元祐丁卯知隨州得漢碑于州之舜子巷徙置後圃刻詩一篇於碑額蓋嗜古而好事者也王荆公集有送許覺之奉使東川詩

勅封順應侯牒 元豐二年七月

右勅封順應侯牒元豐初知齊州韓鐸祈雪龍洞山有應奏請加賜封爵因有此勅前列太常禮院奏十一行後列勅文五行皆正書而首行中書門下牒五字牒文內兩勅字行書勅字特大而縱蓋宋時勅牒之式如此末行押勅三人曰右諫議大夫參知政事蔡曰禮部侍郎平章事王曰工部侍郎平章事吳以史攷之蓋吳充王珪蔡確也碑在濟南府龍洞山之壽聖院又有元人重刻本亦在院中

韓忠獻公祠堂記 元豐三年正月

右魏國韓忠獻公祠堂記潁州團練推官將仕郎試祕書省校書郎知太平州繁昌縣事充定州州學教授郭時亮撰將仕郎守將作監主簿新充監瀛州倉草場滕中書并篆額案文獻通攷謂元豐未改官制之先大率以職為階官以宰執言之如吏部尚書同中書門下平章事尚書禮部侍郎參知政事之類是也然所謂吏部尚書禮部侍郎者未嘗專有所係屬治其事則以為職不治其事則以為階官猶云可也獨選人七階則皆以幕職令錄之屬為階官而幕職令錄則各有所繫屬之監司州縣遂至有以京西路某縣令為階官而為河北路轉運司勾當公事者有以陝西路某軍節度判官為階官而為河東路某州州學教授者有以無為軍判官而試祕書省校書郎者其叢雜可笑尤甚今時亮任定州州學教授而帶潁州團練推官又帶

知太平州繁昌縣事正馬氏所譏為叢雜可笑者也初韓魏公守中山五年遺愛在民元豐元年十月潁川韓絳以建雄軍節度自河東移知定州民以其與魏公同姓也乃請于絳立廟圖像春秋祀焉碑在定州儒學

蔣之奇武溪深詩 元祐二年十一月

右蔣之奇武溪深一篇篇首用馬援辭而續其後凡二百九十言蓋知廣州日所作書法亦疎爽可喜又題其後云李君以神漢周府君功勳紀銘見示歐陽永叔集古目錄跋云碑石缺亡其名李君嘗往詣碑辨之乃是煜字永叔但得墨本故莫能攷也案歐公集古錄有兩跋後一跋云有國子監直講劉仲章為余言前為樂昌令因道府君事云名憬問何以知之云碑刻雖缺尚可識也趙洪諸家皆據歐公後跋定為憬字穎叔未見此

跋故以為莫能攷爾李既親詣碑所似得其實然隸書憬煜兩字本相近究難定其然否也後有元祐三年真陽貢士李修跋碑額題寶文蔣公武溪深詩八字亦脩所書脩自稱門生蔣所稱李君者蓋即脩矣碑左旁一行云右朝散郎知韶州軍州事譚粹元祐季秋六日自延祥禪院移立武溪亭今在韶州之九成臺

郭祥正石室遊 元祐四年二月

右郭祥正石室遊後題云宋元祐戊辰二月廿有八日當塗郭祥正子功來治州事即明年以其日上書乞骸骨作石室遊一首刻之崖間記其姓名與山俱盡案宋史本傳云知瑞州蓋即端州之譙南渡後避穆陵嫌名始改筠州為瑞州此時不得有瑞州也祥正字功父此碑自題子功猶劉原父亦稱仲原也

韓魏公祠堂繪畫遺事記 元祐五年九月

右韓魏公祠堂繪畫遺事記左朝奉郎充龍圖閣待制權知開封府兼畿內勸農使王巖叟撰左通直郎充集賢殿修撰提舉西京嵩山崇福宮劉安世書左朝散郎試中書舍人韓川篆額三人皆元祐黨籍中人也記略云慶歷中朝廷有北顧憂始詔魏瀛鎮定竝用儒帥而公以資政殿學士帥定武天子倚公以安六年乃得去去後三十年民相與立祠于郡庠之西自康國韓公申國呂公為帥既釋奠夫子常率寮佐及諸生以一獻之禮祀焉元豐末巖叟為邑于安喜州之耆舊請繪公遺事于祠堂之兩廡未暇成而被召以去越明年公之子忠彥由禮部尚書以樞密直學士出帥定人喜曰吾家資政之子也因相與成之所云韓呂兩公謂韓絳呂公著也

仇公著墓誌 紹聖三年十月

右仇公著墓誌公著字晦之其先滄州人曾祖華以尚書駕部員外郎為青州牧終而家焉後贈工部侍郎祖永尚書屯田員外郎父諒國子監丞王文安公公著姑之子也文安公由進士第一參預大政封其妣為徐國太夫人而報其外族者甚渥嘉祐三年文安薨於位遺奏補公著太廟齋郎從宦四十許年終于定州觀察判官葬在青州永固鄉雲門里王文安者堯臣也誌銘柳子文撰晁端禮篆其蓋而王同老書之同老即堯臣之子字體似東坡其書參為叅器為喪則俗體之甚者李南澗語予碑近出益都城西開口村南南陽水中今在村人楊士良家

游師雄墓誌 紹聖四年十月

右游師雄墓誌題云宋故朝奉郎直龍圖閣權知陝州軍府兼

管內勸農事兼提舉商號等州兵馬巡檢公事飛騎尉賜緋魚袋借紫游公墓誌銘朝請郎直秘閣知潭州軍州兼管內勸農事兼荆湖南路安撫充本路兵馬鈐轄驍騎尉賜紫金魚袋張舜民撰朝散大夫直龍圖閣權知秦州軍州兼管內勸農事兼權發遣秦鳳路經略安撫使兼馬步軍都總管公事騎都尉賜紫金魚袋邵毓書端明殿學士中散大夫充涇原路經略安撫使馬步軍都總管兼知渭州軍州事管內勸農使上柱國賜紫金魚袋章篆蓋陝州稱軍府不云軍州者陝為大都督府故也文獻通攷大中祥符六年詔龍圖閣學士直學士結銜在本官之上此碑惟章篆以學士結銜在散官上師雄舜民毓皆直閣故結銜在下宋史職官志安撫總一路兵政以知州兼充太中大夫以上或曾歷侍從乃得之品卑者止稱主管某路安撫司公事篆以侍從故得充經略安撫使毓但稱權發遣安撫使公事亦不正授之稱也潭秦渭三州守臣並帶安撫使舜民毓以知州而兼安撫篆以安撫使而兼知州結銜前後互異亦正授不正授之分也

重脩鳩摩羅什塔亭記

元符三年六月

右重脩鳩摩羅什塔亭記潞州上黨縣令甯祖武撰表白僧宗議書後列奉議郎知京兆府鄠縣事兼兵馬都監武騎尉李援名崇寧初編類元符臣僚章疏以附和紹述者為正持正論者為邪各分三等祖武名在邪中等援在邪下等蓋亦當時有志之士矣其云內翰蔡公者謂蔡京元祐中嘗知永興軍也言其

三十六峯賦

建中靖國元年九月

右三十六峯賦知登封縣四明樓昇試可所作僧曇潛書曇潛

一名道潛與東坡倡和所謂參寥子者也朱昂續軌說參寥住西湖智果院能文章尤喜為詩坡南遷素不快者摭詩語謂有譏刺得罪反初服建中靖國元年曾子開為翰林學士言其非辜詔復祝髮紫方袍師號如故碑書于建中靖國元年九月正參寥初復師號時也

鄭敦義題名

崇寧元年

右鄭敦義題名云上自端王即位升潛藩為節鎮開府之初叨奉明命辛巳夏末到官壬午暮春暇日攜家來遊真陽鄭敦義凡七行行六字其文左行宋史徽宗紀元符三年十月乙卯升端州為興慶軍宋時州有四等曰節度曰防禦曰團練曰軍事即刺端州本軍事以徽廟潛邸升節鎮賜興慶為軍額辛巳為建中靖國元年壬午則崇寧元年也敦義蓋元符三年冬被命次年夏到官又明年而題名於石室爾

米元章書藥洲二字

右米元章書藥洲二字在廣東布政司後堂東石上即九曜石之一也其旁有元祐丙寅時仲公詡積中三人題名或疑亦元章所書予攷元章少時官舍光尉往來粵東西藥洲之題當在此時至元豐乙丑米年三十五官于杭明年歲在丙寅改元元祐不聞更入粵也九曜石在仙湖中即所謂藥洲今學使公廨後池上諸石林立多有宋人題字皆九曜之遺迹也此石不知何時移入藩解頊翁學使會鈞摹米書嵌石西齋壁閒幾欲亂真然延平神劍終須會合瓊苞移致不煩百夫力也

運使中奉詩

大觀三年十二月

右運使中奉遊七星巖詩額題運使中奉詩五字其詩云三四

奇峯倚短亭一巖清絕紀圖經四時吞吐西江水萬古森羅北斗
星日月餘輝通碧落煙霞微徑上青冥嶺南惟此興王地好與
邦人作畫屏後題予口歲口自龍江舍舟入端道由七星巖畱
此詩于石大觀己丑十二月初六日江陵宋逮口攷廣東通志
大觀間有轉運使宋逮蓋即其中奉大夫則其寄祿官也翁
氏粵東金石略稱詩詞不可辨予到斯巖命工洗苔蘚精搨而
諦視之猶歷歷可識也

御製八行八刑條 政和三年七月

右御製八行八刑條宋史徽宗大觀元年三月甲辰立八行取
士科所謂八行者蓋取周禮大司徒之六行而益以忠和謂知
君臣之義為忠達義利之分為和也八行之中以孝梯忠和為
上睦婣為中任恤為下是歲六月庚午令諸州學以御製八行

八刑刻石從江東轉運副使家彬奏請也八月庚午資政殿學
士中太一宮使兼侍讀鄭居中乞以所賜御書八行八刑模刻
于石立之學宮從之予所收者崑山縣學刻本政和中奉議郎
知縣事蓋輿立石府學生陳克庭所書也史載崇寧三年詔諸
路知州通判增入主管學事四字此碑末知縣丞尉結銜亦帶
管句學事未審昉于何年案文獻通攷載紹興九年知建昌軍
李長民奏宣和以前准知通令佐階銜並帶主管學事所云知
通者知州通判也令佐者知縣丞尉也疑令佐帶銜與知通同
時增入而史未之及耳碑稱管句而文獻通攷稱主管者南渡
後避思陵嫌名追改之也丞簿尉皆縣佐此碑主簿一人獨不
帶管句未審其故

政和御製五禮記

右政和御製五禮記今在大名府城西八里舊府城內宋金元之故治也碑甚大而字亦雄偉惜石已斷裂題署年月不復可攷矣案玉海政和元年三月一日議禮局請以御書政和新修五禮序摹勒于太常寺從之蓋五禮始刻石於東京開封府久已失傳陸務觀老學庵筆記云北都有魏博節度使田緒遺愛碑張宏靖書何進滔德政碑柳公權書皆石刻之傑也政和中央左丞子美為尹昏毀之以其石刻新頒五禮新儀趙德甫跋何進滔碑亦云政和中大名尹建言磨去舊文別刊新制好古者為之歎惜今大名之五禮碑當即梁子美所刻也緒進滔之事固無足道然唐賢書法之工後人所當寶愛祐陵改修五禮意在粉飾太平而牧守建言輒為毀人自成之舉上亦不以為非也君侈而臣諂識者知宋祚之不長矣

古革題名 政和八年八月

右古革題名十行行十字正書云政和丁酉暮春程江古革逢時初自新昌移守興慶是年仲夏真陽馮齊荀祖道起於祥除來貳府政相與咨詢有請於朝次年春乃被旨陞作大藩案宋史地理志肇慶府本端州軍事元符三年升興慶軍節度重和元年賜肇慶府名仍改軍額徽宗以端王入承大統踐祚之始升端州為節鎮而州名猶仍舊至是因守臣之請改州為府故云陞作大藩是年仲冬改元重和故石刻猶以政和紀年也徽宗紀政和三年十一月升端州為興慶府重和元年十月改興慶軍為肇慶府似政和三年已有府名與志自相抵牾以石刻證之知本紀為誤矣周必大梅州貢院記太宗皇帝端拱元年放進士二十八人有古成之者與焉雖家廣之增城後徙于梅

其四世孫革遂登紹聖進士第此刻題程江古革其為梅人無疑而廣東志以為河源人亦誤

長者龕記 政和八年十月

右長者龕記在壽陽縣之方山相傳李長者故居也何遠春渚紀聞言張無盡丞相為河東大漕日于上黨訪得李長者古墳為加修治且發土以驗之掘地數尺得一大磐石石面平瑩無它銘款獨鐫天覺二字故人傳無盡為長者後身今案此碑即張天覺所撰文稱予元祐戊辰奉使河東行太原壽陽縣詣方山瞻李長者像於破竹經架中得長者修行決疑論四卷十元六相論一卷十二緣生論一卷梵夾如新從此遂頓悟華嚴宗旨予去彼三十年有住持僧宗悟來言於長者造論處發見龕基以磚石甃砌云云蓋李長者龕在壽陽不在上黨而天覺亦

無掘地得石之事傳聞之多失一貫如此

吳郡重脩大成殿記 紹興十一年四月

石吳郡重脩大成殿記右宣教郎翟耆年蒙額右副散郎提舉兩浙西路茶鹽公事米友仁書左迪功郎新差充太平州州學教授鄭仲熊撰碑版之例撰人題銜在前書丹者次之篆額者又次之此碑正與相反蓋它碑題銜在前以右為上此題銜在末以左為上也吳郡志友仁以紹興十一年五月初四日到是舉任此碑以四月己巳朔建蓋友仁未到官之前所書爾眾女嘉以賈文閣直學士再知平江府而宋史本傳不載亦其補也

右長者龔記在壽陽縣之方山相傳李長者故居也何道春
 紀聞言張無盡丞相為河東大漕日子上黨訪得李長者古墳
 為加修治且發土以驗之掘地數尺得一大石石上刻字
 它銘款獨鐫天覺二字故人傳無盡字者疑其為家此石
 張天覺所撰文稱元祐氏春休河東行太原書院事以
 山號李長者係於破竹經中得長者修行決疑詩四卷十元
 六相論一卷十二終生論一卷梵夾如新從此遂成
 無礙此石亦之專斷開之冬夫一貫也此

潛研堂金石文跋尾續第五

嘉定錢大昕

宋

吳郡重脩大成殿記 紹興十一年四月

右吳郡重脩大成殿記右宣教郎翟耆年篆額右朝散郎提舉
 兩浙西路茶鹽公事米友仁書左迪功郎新差充太平州學
 教授鄭仲熊撰碑版之例撰人題銜在前書丹者次之篆額者
 又次之此碑正與相反蓋它碑題銜在前以右為上此題銜在
 末以左為上也吳郡志友仁以紹興十一年五月初四日到提
 舉任此碑以四月己巳朔建蓋友仁未到官之前所書爾梁汝
 嘉以寶文閣直學士再知平江府而宋史本傳不載亦其闕漏
 也

紹興十八年進士題名記

右紹興十八年進士題名記第一甲王佐等十人第二甲甘焯等十九人第三甲索揚等三十七人第四甲孟致誠等一百廿二人第五甲戴幾先等一百四十四人案文獻通攷是榜進士三百三十人省元徐履狀元王佐四川進士二十三人今以石刻證之寔三百三十二人宋初南省第一人殿試唱過三名不及則越眾抗聲自陳必得升等范蜀公避不肖言後遂以為故事此榜徐履以省元而殿五甲未詳其故後讀張荃翁貴耳錄稱淳熙間省元徐履因功名之念太重遂有心恙之疾殿試卷子寫一枝竹題曰畫竹一竿送上試官朝廷亦優容之以省元身後一官與其子乃知履之殿甲蓋因心疾所致然履乃紹興進士而荃翁以為淳熙間則記憶之誤爾又攷新安志是榜徽人登進士者鄭之純汪端彥俞舜凱與朱子凡四人端彥與朱子皆籍婺源今檢此錄朱子貫建州建陽縣端彥貫饒州德興縣蓋宋世士大夫仕宦而去其鄉當時不以為非而功令亦無寄籍之嫌也舜凱係特奏名第一人今附在第五甲之末宋史邱宗江陰軍人隆興元年進士第三人此錄第五甲亦有邱宗貫建州甌寧縣蓋別是一人也宋登科錄今已不傳此榜以朱文公故特存石刻在滁州之歐梅亭明人張明道跋

四十二章經 紹興二十九年十一月

右四十二章經石刻在杭州之六和塔特進尚書左僕射同中書門下平章事吳興郡開國公沈該左正奉大夫守尚書右僕射同中書門下平章事縉雲郡開國公湯思退左中大夫知樞密院事陳誠之左中大夫參知政事陳康伯左太中大夫同知樞密院事王綸左太中大夫權吏部尚書賀允中左朝請郎試

尚書吏部侍郎兼史館修撰兼侍講葉義問左朝請大夫試尚書兵部侍郎兼侍講兼直學士院楊椿左朝散郎試給事中兼直學士院兼同修國史周麟之左朝散郎試中書舍人兼權樞密都承旨洪遵左朝散大夫充敷文閣待制提舉佑神觀楊傑左朝奉大夫權尚書吏部侍郎沈介左中奉大夫權尚書戶部侍郎趙令詔左朝奉大夫權尚書禮部侍郎兼侍講孫道夫左朝請郎權尚書工部侍郎王晞亮左朝請郎權尚書刑部侍郎兼權詳定一司勅令黃祖舜左宣教郎試起居舍人兼權中書舍人張孝祥左朝請大夫太常少卿兼權中書門下省檢正諸房公事宋棐左朝奉大夫守宗正少卿金安節右朝請郎守大理少卿李洪右朝議大夫司農少卿董革右中大夫行太府少卿錢端禮左朝奉大夫將作監張宗元左朝請大夫軍器監張運左朝請大夫尚書吏部郎中楊朴右朝奉郎守尚書戶部郎中兼權金部郎中莫濛右奉直大夫尚書刑部郎中路彬左朝散郎守尚書工部郎中張庭實左奉議郎守尚書吏部員外郎兼權尚書右司郎官周揆左朝奉郎尚書吏部員外郎兼國史院編修官兼權樞密院檢詳諸房文字葉謙亨左朝奉郎尚書吏部員外郎兼國史院編修官胡沂左朝散郎尚書司勳員外郎陳俊卿左宣教郎守尚書司封員外郎鮑彪左朝請郎尚書考功員外郎陳棠左朝散郎尚書禮部員外郎楊邦弼左朝奉郎尚書祠部員外郎兼權國子司業張洙右承議郎尚書刑部員外郎黃子淳左朝請郎尚書都官員外郎兼玉牒所檢討官兼權戶部員外郎楊傑左奉議郎守尚書比部員外郎沈樞左朝請大夫行尚書屯田員外郎韓彥直左承議郎祕書丞兼國

史院編修官兼權兵部員外郎虞允文左奉議郎祕書省校書郎兼國史院編修官兼權尚書駕部員外郎洪邁凡四十二人各寫一章字體大小疎密不等唯允中端禮朴操四人行書餘皆真書後有西蜀布衣武翊跋題紹興己卯十一月以史攷之是歲六月沈該罷左相陳誠之亦罷樞密其七月賀允中自吏部尚書參知政事矣此經蓋書於五月以前至仲冬始勒之石也自紹興己卯至今六百餘年字跡完好如新惟思退名爲後人磨去南渡石刻工妙若此者亦不易得矣

崑山縣校官碑 乾道二年正月

右崑山縣校官碑左朝奉郎提舉荆湖南路常平茶鹽公事吳郡范成象撰左朝請郎新知興化軍主管學事江夏黃萬頃書碑末列右朝散大夫直祕閣知平江軍府主管學事東陽沈度右宣教郎知崑山縣主管學事河陽李結左宣教郎丞主管學事開封趙善待左從政郎充平江府府學教授三山陳驥右脩職郎主簿主管學事清河張道之右迪功郎尉主管學事太原王齊輿諸人名成象乾道五年爲工部郎時從弟成大除禮部員外郎援故事乞班兄下一時榮之萬頃隸書有法度碑額及題款略仿漢人之式

寂通證誓大師碑 淳熙三年八月

右寂通證誓大師碑唐時僧道廣居韶州之仁壽臺有道行南漢追謚輔聖大師又加謚證真寂照名其寺曰光運宋元豐五年賜今謚寺故有余襄公靖所撰塔銘今不存此碑乃淳熙初贛州免解進士孫時敏所撰并書文林郎知梅州程鄉縣事主管學事張槩題額

趙離七星巖詩并題名 淳熙四年十月

右趙離七星巖詩五言二十五韻疎宕有奇氣刻於巖洞中每句爲一行凡五十行其後題名三十二行字疎密不等云浚儀趙離和仲以淳熙二年乙未來守肇慶適當彈乏後以拙直理郡事日不暇給逮丁酉孟秋秩滿府僚俸給不積軍士廩餉如期尤幸聖澤遠被雨暘時若歲事豐穰訟平盜弭後使君過戌月未至始得與郡官同遊茲巖因賦詩命刻諸崖以紀時教授邱微之夢錫節度推官權倅許通亨之錄參傅濤次山高要令范念祖德脩司法邵穆幹臣四會簿尉權司理林奉先紹德高要簿李_本師悅尉黃輔季全兵馬都監李濟巨川監押趙口冲大和同巡檢許浚少清前巡檢宮良弼彥輔寄寓前東莞邑宰孟恬口臣同來實十月惟前教官林致覺之戎官趙彥濬口口

以數十日前離任不與此行先是郡守之子滿曰伯清湜曰伯正泌曰伯淵浹曰伯廣洽曰伯潤汲曰伯升女曰淑口淑儀淑懿曾奉其母劉來游劉氏光烈之子光世之姪宋人題名稱攜家同遊者多矣此刻敘子女及妻詳而有法字跡亦佳翁氏金石略所錄與予釋文小異翁所得拓本脫去後二行搨手亦不精故也

趙善擇等題名 淳熙十五年正月

右趙善擇等題名正書十二行行十二字題於七星巖洞首云淳熙十五年上元前五日玉牒善擇智老伯奶景茂趙庚曰徐世亮正顯黃執矩才用羅口龜仲葛嶠景高徐盈謙夫口口臣夏卿陳飛英子聲陸口口鄭公表若儀吳口口口口國瑞聯轡來遊宋時宗室署名往往稱玉牒而不繫姓趙庚書姓者

非宗室故殊之也攷宗室世系表漢王房有善擇裔王房又有兩善擇皆太宗七世孫未審題名者何人也伯杻太祖七世孫系出燕王左朝請大夫子伋之子

太平州瑞麻贊淳熙十六年八月

右太平州瑞麻贊鄱陽洪邁知州日近郊民於顯國得異麻以獻合數幹為一若靈芝若如意若鳳垂頭邁以為瑞圖其狀而贊之今在太平府學文云太歲在酉者淳熙十六年己酉歲也宋史本傳敘邁歷官極疎舛其知太平州傳亦失載予攷中興學士院題名邁以淳熙十五年四月由翰林學士差知鎮江府此贊作於己酉八月云予假守十閱月是移知太平即在十五年之冬也其明年改元紹熙乃以煥章閣學士知紹興府除授次第班班可攷史於拜翰林學士之後即書進煥章閣學士知紹興府似未嘗有外補事又誤書紹熙為淳熙皆失之甚者

同年疇唱詩 紹熙元年二月

右同年疇唱詩紹熙改元正月五日提點浙西刑獄建安袁說友起巖提舉浙西常平茶鹽浦城張體仁元善會同年之在吳下者於姑蘇臺與集者胥臺成欽亮仲鄰胥臺唐子壽致遠胥臺胡元功國敏浚儀趙彥衛景安浚儀趙彥瓊中玉浚儀趙彥真從簡期而不至者浦城章解仲濟胥臺王藝文卿三山陳德明光宗桐川周承勛晞稷凡十二人人各賦七言律詩一篇皆隆興元年未待問榜進士也於是石湖范成大為之序郡人龔頤正書而刻之石范公以資政殿學士奉祠家居集中多與起巖唱和之作起巖以淳熙十六年七月到任是年三月除直祕閣知平江府故范公集中始稱提刑後稱知府也宋史詹體仁

字元善建寧浦城人登隆興元年進士第光宗卽位提舉浙西常平除戶部員外郎湖廣總領卽此碑之張體仁也史作詹而吳郡志及此碑俱作張未知其審據吳郡志章澥爲吳人而此碑稱浦城蓋浦城之章居于吳者本有南北二族案稱北章惇稱南章但未知澥出何房耳碑載宋時進士登第旣朝謝揆日集貢院奉賜第錄黃於香案列拜庭下禮畢更以齒班立四以上東序西鄉未四十西序東鄉推年最長若最少者各一人升堂長者中立南鄉少者北鄉春官吏贊拜少者拜又贊答拜長者泊兩序皆再拜謂之拜黃甲敘同年宋史雖有拜黃甲之名而語焉不詳故表而出之

張安國書

右張安國書盧坦對杜黃裳語石刻在衡州府學昔蔡行夫問

朱子云張于湖字何故人皆重之答云也是好但是不把持愛放縱此帖却以不放縱而益工也此帖亦刻于蘇州學但蘇刻橫行此則直行耳

蘇唐卿竹鶴二篆字

慶元丙辰孟夏

右蘇唐卿竹鶴二篆字字徑二尺許修倍之慶元二年臨川何異同叔以朝請郎提點浙西刑獄刻石立于憲治今在蘇州府學凡二石其陰皆張安國書亦同叔所刻一爲疏廣傳中語一爲盧坦對杜黃裳語

龔大雅義井題記

慶元六年十二月

右龔大雅義井題記吾邑南翔寺九品觀後廢圃中有八角井周遭皆刻字大小不等驗其文乃宋慶元庚申歲沙埕里人龔大雅甃井題記此井在龔氏祖墳之旁具列高曾祖翁婆及伯

翁叔翁伯婆叔婆亡男亡弟媳婦外翁外婆丈人文母諸名氏以資冥福其墳今不知所在

南翔院觀堂記 嘉定九年季冬

右南翔院觀堂記僧居簡撰攷北澗集中為南翔寺作者有憾院記僧堂記大殿碑陰記與此凡四今惟此記石刻猶存而文多漫滅可辨者才十之三與集本亦間有異同如集本稱昭文錢公象祖石本作昭文錢相國之類記末題嘉定九年季冬既望而碑首題平江府嘉定縣建於嘉定紀元之十年蓋撰文之次年始書而刻之石爾予嘗見台州錢氏譜及常熟譜俱載端平二年理宗御製序序首云致仕大師左丞相錢象祖上疏今據此碑象祖卒於嘉定四年至理宗即位已隔十餘年矣又歷寶慶紹定而至端平年代更遠邈不相涉故知錢氏譜序亦

後人偽託

徐龜年題名 嘉定十一年二月

右徐龜年題名云嘉定戊寅春二月望郡守嘉禾徐龜年率權高要令錄參趙汝襲勸耕於星巖凡五行行六字正書徑二寸五分後有題名四行云後二日沐人趙汝襲挈家來遊弟汝附子崇崇下一字左从火右从華侍溫陵謝廷玉莆陽阮時孺偕行字大徑一寸五分汝襲太宗八世孫系出商王房汝附其從父昆弟也

處州重刊孔子廟碑 嘉定十七年閏八月

右處州重刊孔子廟碑唐元和十三年刺史李繁修廟成韓退之為文記之越十有二年為太和三年始勒石蓋任廸所書趙明誠金石錄嘗列其目矣南渡以後唐碑已亡於是朝議大夫直龍圖閣提舉建康府崇禧觀賜紫金魚袋陳孔碩重書朝奉

郎權發遣處州軍州兼管內勸農事借緋王夢龍立石廸本行
書孔碩易以小篆頗有法度惜經明人鑿補少生動之致耳宋
時在外宮觀之名略見於徐氏却掃編馬氏文獻通攷而建康
之崇禧獨不及焉攷乾道臨安志紹聖元年八月丁丑除知杭
州王存提舉江寧府崇禧觀則此觀之設官久矣觀在句容縣
茅山

南雄州新建四先生祠記

端平元年三月

右南雄州新建四先生祠記四先生者周元公程純公正公朱
文公也寶慶三年祠成州教授三山陳應龍請真西山為文應
龍以故去未及入石端平初毗陵張友知州事始命法掾田圭
書之而教授盧自明篆其額焉頃歲翁學士方綱提學廣東搜
羅石刻甚夥而南雄儒學宋元碑各一獨未之及予始訪得而

揚之

趙崇垓曾純倡和詩

端平二年十二月

右趙崇垓曾純遊七星巖唱和詩七言律各一首左方題名十
一行行八字云端平乙未嘉平朔後二日權郡貳羊石趙崇垓
德暢侍母偕權理曹新興寧令清源曾純景亮法掾三山趙彥
嶠源叔權糾高要簿清源趙錚夫君玉寓公提屬清源莊世雄
仲傑攜家同遊源叔子澥夫德暢子必錚侍聊紀歲月云以宋
史表攷之崇垓太宗九世孫系出漢王房彥嶠則魏王廷美七
世孫系出廣陵郡王房皆宗室也澥夫史作澥夫字之譌彥嶠
於崇垓為大父行以班秩退居於後其子侍行當論行輩故彥
嶠子列崇垓子之前也廣東通志崇垓南海人嘉定十六年蔣
重珍踰進士蓋以宗子寓居於粵者此刻前題浚儀舉東都舊

居後題羊石以南海有五羊石也景亮稱趙為同年當是同榜進士

御書放生池勅淳祐十年正月

右御書放生池勅初仁宗景祐三年有詔乾元節諸州軍設宴毋得多殺物命至是理宗申明故事御書勅旨令於所任放生池刻石今崑山縣之清真觀故宋放生池也石刻尚存下方有知縣項公澤跋惜經明人翻刻神采已失宋時知縣結銜例兼弓手寨兵軍正石刻訛弓手為巴王明人之不學如此理宗又嘗製訓廉謹刑二銘戒飭中外計江以南必尚有摹勒上石之本惜予未之見也

廣州光孝寺大鑿禪師殿記咸淳五年十一月

閣直學士通奉大夫廣南東路經略安撫使馬步軍都總管兼知廣州軍州事兼管內勸農使陳宗禮記朝散大夫提舉廣南東路常平義倉茶鹽公事兼權運判冷應澂題蓋宣教郎知廣州南海縣主管勸農公事兼弓手寨兵軍正王應麟書今在寺之六祖殿前楷書頗有法嶺南人以為王伯厚筆也予攷伯厚以淳祐元年登進士寶祐四年中博學宏辭科至度宗時名位已高無緣出為縣令宋史本傳亦不云知南海縣疑別是一人與厚齋同姓名者爾宗禮字立之應澂字公定宋史皆有傳子後讀宋潛溪集有封承事郎給事中王公穀墓版文其祖應麟知南海縣事乃悟碑即此人所書乃泉州晉江人非浚儀王氏也

金剛般若經

右金剛般若經石幢八面在歷城縣南關正覺寺經文則鳩摩羅什譯本也後題齊州啓聖禪院金剛般若波羅蜜經幢頌并序序文漫漶惟比邱處密俗姓韓數字可辨不著撰人姓名亦無年月驗其字畫當是宋刻攷政和六年以英宗由齊州防禦使入繼升齊州爲濟南府碑稱齊州當在政和以前又恆字眞宗御名此碑竝未缺筆疑是宋初所立矣

金

重脩蜀先主廟碑

承安四年四月

右涿州重脩蜀先主廟碑王庭筠撰字體遒勁郝陵川所云書法二王作真行得意頗勝如時花者也朱錫鬯曰下舊聞載此碑全文但改題中蜀先主爲漢昭烈帝又脫落三十餘字舛誤者亦數字皆當據石本正之張桓侯字益德見於蜀志本傳惟

世俗所傳三國演義譌益爲翼錢遵王謂內府板演義猶未譌此碑本作益德而日下舊聞亦譌爲翼蓋錫鬯得之傳抄未嘗親至碑所也

石滄州居士行狀其文云湛然爲萬卦山天寧萬壽禪寺命
爲功德主者惟萬卦之古刹實萬松之舊遊有虛己飛書請
湛然作主勉爲提領良感殷勤由是木聲水作道人活計無欺
唱偈傳初子家風謹疏辛卯年九月二十九日中書省都功
侍郎湛然居士凡八行年月間餘中書省即湛然居士下有押
湛然居士者中書令耶律楚材也金元之間有僧行秀者號萬
松異夫楚材從受說教法名從源號湛然居士自稱萬松嗣法
弟子幸勿蓋元太宗之三年是時蒙古未有年號也蒙頌朝省
力忠元

羅子澤本也後題齊州移聖神院金剛般若波羅密經幢額并
序序文漫漶惟七字是密谷姓韓數字可辨不若撰入姓名不
無年月驗其字畫當是宋刻故政和六年以英宗由齊州防軍
使入繼升齊州為濟南府碑稱齊州當在政和以前又恆字真
宗御名此碑拉未使筆疑是宋初所立矣

金

重脩留先主廟碑 永安四年四月

右齊州重脩留先主廟碑王庭撰撰字體道勁郝俊川所云書
縣至縣碑也

此縣本在益縣而日下書關亦為益縣蓋縣學界之界也未嘗
世谷祖書三國黃美蓋益為暨 錢莊王體為益美蓋未嘗

潛研堂金石文跋尾續第六

嘉定錢大昕

事皆元

湛然居士功德疏

太宗辛卯年九月



右湛然居士功德疏其文云湛然為萬卦山天寧萬壽禪寺命
僕為功德主者惟萬卦之古刹實萬松之舊遊有虛己飛書請
湛然作主勉為提領良慰殷勤山色水聲永作道人活計漁歌
樵唱偷傳衲子家風謹疏辛卯年九月二十九日中書省都功
德主湛然居士凡八行年月間鈐中書省印湛然居士下有押
湛然居士者中書令耶律楚材也金元之間有僧行秀者號萬
松野老楚材從受記蒞法名從源號湛然居士自稱萬松嗣法
弟子辛卯蓋元太宗之三年是時蒙古未有年號也篆額朝省
功德疏五字謬妄已甚而守一道人書頗似黃山谷

中書省公據 辛卯年十月

右中書省公據付交城縣萬卦山天寧禪寺准此年月開亦鈐省印後列朝省使省都事書記諸人及太原府西三縣宣差都總管謝末歡交城縣長官覃資榮名覃資榮元史有傳資榮子澄又見良吏傳皆書作譚此碑乃作覃予又得濟源縣濟瀆廟中統元年五年兩石刻竝列總管覃澄名又王暉中堂事紀載懷孟總管覃澄元史世祖紀至元十一年副元帥覃澄亦皆作覃因據以正史文之誤

祭濟瀆記 中統元年八月

右祭濟瀆記文云皇帝嗣登大寶建元之初特遣提點太醫院事許國楨馳驛徧告后土嶽瀆降香宗祀元史世祖紀及國楨傳俱失載此事楨字史以示碑以木當以碑為正碑為權懷孟

州教授李忠國撰而後列從行降香官有宣授懷孟州達魯花赤蜜里及宣授懷孟州總管覃澄提領懷孟州課稅所官石伯濟蓋其時雖立總管猶未稱路元史地理志懷慶路唐懷州金改南懷州元初復為懷州太宗四年行懷孟州事憲宗六年世祖在潛邸以懷孟二州為湯沐邑七年改懷孟路總管府攷元太宗時立十路課稅使世祖中統元年立十路宣撫司每路所轄郡縣甚廣尚沿宋金之舊志以為憲宗時改懷孟路者誤矣王暉中堂事紀載中統二年奉聖旨道與真定路宣撫司據懷孟達魯花赤蜜里吉總管覃澄奏告管下地分多有屯住蒙古頭目遇有關涉詞訟公事不肯前來對證往往不服勾追以致遲滯公事准奏仰徧諭諸路宣撫司今後各州城管民官遇有關涉蒙古軍人公事理問時分管軍官一員一同聽斷施行無

得偏向准此是懷孟隸真定路宣撫司不得自稱路也蜜里及者曷思麥里之次子元史作蜜里吉中堂事紀作蜜里吉此作蜜里及蓋譯音之轉

重立孟州三城記 中統五年八月

右重立孟州三城記元史曷思麥里傳壬辰授懷孟州達魯花赤癸巳遣蒲察寒奴乞失烈札魯招諭金總帥范真率其麾下軍民萬餘人來降碑稱壬辰天兵南渡有京西總帥范公率諸部衆齎所帶虎符并次下金銀牌印歸附大朝更賜金符治所屬之民兼領於孟卽其事也碑又稱河南甫定孟猶邊鄙版籍仍希爲懷所併攷元史地理志懷州太宗四年行懷孟州事而曷思麥里父子三人世襲懷孟州達魯花赤此元初併孟於懷之證蓋中統紀元以前孟未嘗自爲州也碑又稱中統二年欽

奉聖旨宣授孟州長官并降到立城民戶至中統四年二月宣差孟州達魯花赤阿里理任新附之民而併治之是孟州之設在中統間而地理志於懷慶路下云世祖在潛邸以懷孟二州爲湯沐邑於孟州下云故城謂之下孟州新城謂之上孟州元初治下孟州憲宗八年復立上孟州略不及併省孟州事可謂疎而舛矣然史稱憲宗八年復立上孟州者其誤亦有因據是碑稱丁巳年欽奉恩命復立新孟丁巳卽是憲宗七年與志復立上孟州之文頗合而其下文有荒殘廢邑復見儀刑云云又有儻一旦功成改除他邑云云曰邑不曰郡則縣而非州也其所謂復立者移縣治於新孟州城非卽立爲州也而史遂以爲州所治不亦謬乎中統五年卽至元之元年以八月改元建碑之時改元之詔猶未下也

王惲漢柏詩

至元二十一年五月

右王惲漢柏詩在泰安府嶽廟碑後題銜兩行云至元二十一年五月己酉朔中議大夫山東東西道提刑按察副大使汲郡王惲題按惲所歷官詳見其子公孺所撰神道碑其轉中議大夫則碑亦未之載也次行之下又有數字云還一作潛字秀一作照字此後人據秋澗大全集本校其同異而附注之者

樓觀宗聖宮說經臺記

至元二十一年陽復日

右樓觀大宗聖宮重修說經臺記宣授陝西五路西蜀四川道教提點古汲李道謙撰文案王秋澗集有贈道者李雲叟詩序云道人諱道謙出東齊世家年十六棄家入道禮丹陽馬公高弟劉為師既冠遊諸方洞天參求元契又嘗園居於陝多積靜功今主東雍之神霄宮曰雲叟者蓋其別號云此碑自署夷山

天樂道人又題古汴

汴即汴字

蓋先世自齊而徙於汴者歟文稱掌

教清河大宗師者長春真人之弟子尹志平也論語竊比於我老彭包咸以老彭為殷賢大夫鄭康成王輔嗣則以老為老聃彭為彭祖陸德明莊子音義又引一說謂彭祖即老子碑引孔子竊比老彭及猶龍之語是亦以老為老聃矣

孟州學記

至元二十三年十月

右孟州學記應奉翰林文字傅夢弼撰述達魯花赤抄海知州郝采麟同知弋惟敬興建學校之事云同簽樞密院事趙公願以勅賜溫縣駝塢村地千二百畝贍學案元史趙良弼傳至元十九年得旨居懷孟良弼別業在溫縣故有地三千畝乃析為二六與懷四與孟州皆永隸廟學以贍生徒與碑所書合三千之千二百正所謂十分之四也郝采麟史附見其父經傳不云

為孟州知州略之也楷法似蔡忠惠惜不題書者姓名

二六 應宜兒赤獵虎記 至元二十六年九月

右應宜兒赤獵虎記文與書法俱劣至元二十六年鍾離定遠二縣民所立以頌淮東淮西鷹房屯田打捕總管府達魯花赤應宜兒赤為民除害之功後題江淮等處行尚書省劄付鍾離縣遺碑市巡檢王侃郭直立石濠州時稱臨濠府屬江進行省至元二十八年改江進行省為江浙行省別立河南江北行省畫江為界凡江北州縣皆改屬焉而臨濠亦降為濠州矣碑今在鳳陽縣西南劉府集東嶽廟知縣宛平孫君維龍以予嗜石刻乃募工搨一本見寄予致王象之輿地碑目唐杜亭碑在鍾離縣西七十里遺碑拭元和中太常寺協律郎杜牧作象之宋南渡時人稱此碑尚存市名遺碑蓋以此今小杜碑久亡明初勳臣東勝伯劉謙居此土人因呼劉府集而遺碑之名縣人無知其故者孫君方撰鳳陽新志因書所聞以遺之

增修扁鵲廟記 至元二十八年四月

右增修扁鵲廟記今在彰德府湯陰縣其云皇太孫梁王者晉王甘麻刺世祖之孫裕宗之長子時以梁王出鎮雲南故云開府西南海夷也元初諸王之子通稱太子然不得稱皇太子以示別也甘麻刺以嫡長孫稱皇太孫是當時固有儲貳之望其後讓國成宗退守藩服有吳泰伯風故至治之末中外推戴晉王之子無異言及天歷干位乃昌言晉邸不宜立誣罔之詞難以取信於天下後世矣

居竹記 大德二年二月

右居竹記華亭縣修竹鄉曹氏武惠王之後自汴南徙所居據

九峯三泖之勝元初有名和甫字仲達者扁其書室曰居竹前
建德路總管方回爲文以記而太原路汾州知州趙孟頫書之
今在華亭縣學後題雲間繆奎同男文正摹刻

蕭山縣學重建大成殿記 大德三年十月

右蕭山縣學重建大成殿記碑所載至元壬辰廉訪副使王侯
大德戊戌副使拜降僉事王煥皆浙東廉訪司也浙江通志失
載煥煥二人名侯官終大名路總管諡憲肅拜降北庭人仕至
資國院使贈江浙行中書省右丞謚貞惠

松江寶雲寺記 至大元年五月

右松江寶雲寺記前朝奉大夫大理少卿牟獻撰集賢直學士
朝列大夫趙孟頫書資德大夫江浙等處行中書省右丞廉察
知兒海牙篆額牟獻入元不仕所題者宋官故稱前以別之廉

密知兒海牙者廉希憲之子恂也元史英宗紀延祐七年七月
以廉恂爲中書平章政事至治二年十二月廉恂罷宰相表延
祐七年至治元年二年平章政事無廉恂而有廉米只兒海牙
蓋廉米只兒海牙即廉恂猶梁暗都刺即梁德珪段那海即段
貞洪雙叔即洪君祥皆一人而二名也紀傳據誌狀之文多用
漢名表所據者案牘之文故多從國語此碑所題亦當時本稱
米只之爲密知則譯音之轉爾廉氏系出畏吾雖讀儒書取嘉
名仍循國俗以畏吾語小字行見於史者惟希賢一名中都海
牙至如希憲一名忻都恂一名米只兒海牙以予博考二十年
始能知之蓋元史之難讀視它史爲尤甚也

萬安寺茶牘 至大二年正月

右萬安寺茶牘雪庵頭陀溥光撰并書上座德嚴刻石於嵩山

戒壇寺葉井叔云今移在城西峻極下院雪庵俗姓李氏賜號
圓通元悟大禪師元時集賢院學士往往以釋道參之雪庵以
頭陀而官昭文館大學士亦其比也自大德至至治三十年間
趙魏公書為朝野推重一日中官李邦寧傳太后懿旨命魏公
書興聖宮額魏公曰禁扁皆李雪庵書公宜奏聞既有旨命李
當時稱魏公謙讓為不可及昔王子敬不肖題太極殿牘魏公
之讓意或出此然亦見雪庵大字之可貴矣

江東宣慰使珊竹公神道碑 至大

右江東宣慰使珊竹公神道碑集賢大學士榮祿大夫姚燧撰
文中順大夫揚州路泰州尹兼勸農事趙孟頫書并篆額珊竹
公者北京兵馬都元帥吾也而之孫名拔不忽其師周正方更
名之曰介而以仲清字之初任同知北京轉運司事累遷濮州

尹平灤路總管江南浙西道提刑按察使江北淮東道提刑按
察使召為刑部尚書復除江東宣慰使以病目去家直揚間延
名儒張璠吳澄教其子至大元年十月卒元史吾也而傳失載
其名故具錄之史作吾也而碑作烏也而姚燧撰制詞
作烏野而其子雲
禮碑作撒里譯音無定字也趙子昂以至大二年七月除揚州
路泰州尹明年十月拜翰林侍讀學士此碑之立當在至大二
三年間

集仙宮重建東嶽行祠記 皇慶元年三月

右集仙宮重建東嶽行祠記嘉定設縣之始東嶽祠本在縣西
紹定戊子乃遷於集仙宮之東廡所謂令尹陳公者以縣志題
名攷之蓋永嘉陳邁也集仙宮勅額本在安吉縣道士葉子琬
始請移揭於此此皆談邑故者所宜知也張與材署銜太素疑

神廣道明德大真人元史釋老傳亦未及載碑書靈作灵此俗字亦有所本案廣韻十五青有灵字注引字類云小熱貌說文灰从又从火則灵即灰之異體灰者火之餘畫故又有小熱之訓不知何緣轉為靈音世俗遂以同紐借用集韻青部却不收灵字殆以其俗體而芟之歟

集仙宮瑞竹記 皇慶元年三月

右集仙宮瑞竹記與東嶽行祠記同時立驗其筆跡亦張與紹書也碑陰畫枯竹一株節間細書倒插竹三字旁畫新竹六七竿有兩處題字曰三年竹曰四年竹又間以嫩枝數叢筆法不減吳仲圭其下方題七言古詩一篇自署元真子不著姓名元時集仙宮道士孫應元嘗於齋前倒插竹一枝已而得活三四年後竹遂成林因以瑞竹名其軒而第三十代天師張與材記之文雖未工亦見當時羽流之好事也予又憶吳禮部集有嘉定黃氏瑞竹詩其一云練川誇瑞竹黃氏見高門富麗應如此時來豈有根蓋同時有兩瑞竹事邑志惟載集仙宮瑞竹而黃氏竹鄉人鮮有知之者矣

大都路總治碑 皇慶二年十月

右大都路總治碑翰林學士承旨王構撰文立言有體集賢大學士劉賡書亦謹嚴不失唐人法度蓋元刻之佳者碑在今順天府公廨大堂前完好可揭而朱錫鬯日下舊聞略不及焉文稱至元丁卯春既城大都卽以路總京畿自乙酉解爲宗正據有而徙之冬官者踰二十寒暑至大初元勅中書還北省而六卿所舍悉如其舊至假屋於民以庀事再徙迄無定所詳其文義蓋自大都路公廨爲宗正所據移治工部者閱二十餘年及

中書還北省六部各歸其署由是大都路總管無所容而假屋於民耳孫氏春明夢餘錄謂官署爲宗正所據官吏辦事佛寺中者乃臆說也武宗之世遙授之官衆莫吉以平章政事行大都路達魯花赤王泰亨以平章政事商議中書省事行太子詹事皆非正授故宰相表不列其名碑文撰於至大二年三月至皇慶二年十月建相距僅四年餘而碑未列達魯花赤總管兼府尹副達魯花赤同知諸人名無一與前同者官吏之輕於更代如此欲其盡心職守難矣泰亨字子通一字仲通晉寧人嘗從許文正公學晚歲自號康莊老人諡清憲

長興州東嶽行宮記

延祐元年四月

右長興州修建東嶽行宮記略云自唐封禪而郡縣始咸有東嶽祠其在長興者初建於宋紹興戊午久壞不治知州呂澍同知馬鎔捐祿廩爲衆倡葺而新之殿東建太室以奉聖母卽今所謂碧霞元君矣先君中憲少習趙書收藏趙帖甚夥率爲友人借失今所著錄惟寶雲寺圍通寺及此三碑猶是先人手澤也

少林開山裕公禪師碑

延祐元年十一月

右少林開山裕公禪師碑福裕字好問號雪庭太原文水張氏子授具於休林古佛又事萬松老人憲宗時詔總領釋教世祖賜號光宗正法禪師皇慶元年以集賢大學士陳顥請追贈大司徒開府儀同三司封晉國公翰林學士承旨程鉅夫受詔爲之碑文

勅賜伊川書院碑

延祐三年四月

右勅賜伊川書院碑始伊川鳴皋鎮砲手軍總管勛實戴以家

財初立書院經營十年始就其子慕顏鉄木復建稽古閣貯書
萬卷延祐間詣京師因集賢大學士陳顥以聞奉勅賜名伊川
書院令翰林直學士薛友諒撰文集賢學士趙孟頫書之士希
勗實戴之字也元史百官志回回砲手軍匠上萬戶府至元十
一年置砲手總管府十八年始立為都元帥府二十二年改為
萬戶府此勗實戴殆回回人而屯戍河南者歟

懿旨重修濟瀆清源善濟王廟碑 延祐三年九月

右懿旨重修濟瀆清源善濟王廟碑前應奉翰林文字奉議大
夫穎州知州王公孺撰奉訓大夫懷孟路總管府判官王筭書
榮祿大夫大司徒中都留守蕭珍題額筭公孺之子也元史武
宗紀大德十一年六月建行宮於旺兀察都之地立宮闕為中
都至大元年七月立中都留守司八月以中都行宮成賞官更

有勞者賜同知畱守蕭珍金銀仁宗紀至大四年正月罷城中
都二月司徒蕭珍以城中都徼功毒民命追奪其符印此碑立
於延祐初珍題銜仍稱大司徒中都畱守蓋罷斥未久而復官
也文云維皇慶二年仲春之月儀天興聖慈仁昭懿壽元全德
泰寧福慶皇太后遣使奉御奩香有事於濟瀆靈祠致皇慶間
皇太后尊號祇有儀天興聖慈仁昭懿壽元十字全德泰寧福
慶六字乃延祐二年所加此撰文之日據加上尊號追書之非
與史有牴牾也

勅賜龍興寺大覺普慈廣照無上帝師碑 延祐三年十

右勅賜龍興寺大覺普慈廣照無上帝師碑帝師者膽巴也元
史釋老傳載皇慶間加號與此同惟普慈作普惠乃傳之誤碑
稱師出家事聖師綽理哲哇為弟子又稱武宗皇帝皇伯晉王

及今皇帝皇太后皆從受戒法又稱元貞九年爲梵書秦徽仁裕聖皇太后奉今皇帝爲大功德主主龍興寺皆史所未及攷仁宗初元贈膽巴謚松雪嘗奉勅撰文并書刻石大都至是僧迭瓦八乞刻石本寺復命松雪別撰文書之今真定原石久失此本乃後人翻刻入法帖者帝師八思巴元史有傳文宗紀輟耕錄及此碑皆作巴思八焚毀偽道藏經碑作八合思巴至元法寶勘同總錄序作拔合思八世祖紀作八合思八譯音無定字實則一人也

保定路孔子廟講堂記

延祐三年十一月

右保定路孔子廟講堂記元明善撰張珪書虞伯生稱張蔡公書腕力允健端重嚴勁無慚筆諫之臣今觀是碑信然而書史會要不列其名豈非以功名掩歟元人不以同名爲嫌如監郡曰教化的總管曰教化一蒙古人一河西人同官同時後人失於稽考往往混而爲一矣

祝延聖主本命長生之碑

或云延祐四年

右碑額云聖主本命長生祝延碑題云勅賜大龍興寺祝延聖主本命長生之碑古人書額文取簡要先後不必相應也予昔奉使過真定再宿茲寺訪得元碑凡四其一長明燈記延祐五年僧永恩書其一勝公和尚道行碑至正十三年答失蠻撰趙儼書其一秦王夫人施長生錢記至正十四年王訪撰并書其一則此碑也松雪書法世人所重故聞有椎拓者其它購之未得姑記其目於此執禮和台姓乃蠻氏官至河南江北行省平章政事元史附見其父囊加歹傳其官燕南河北道廉訪使史所未載也松雪在翰林日嘗撰中奉大夫殊祥院使執禮和台

封贈三代制此碑稱資善大夫資善階在中奉之上蓋由殊祥院使而遷廉訪矣

勅修殷比干廟碑 延祐四年十一月

右勅修太師忠烈公殷比干廟碑元史仁宗紀延祐三年四月壬午勅衛輝昌平守臣修殷比干墓唐狄仁傑祠歲時致祭碑所書者卽其事也紀稱四月壬午碑作季春壬子當以碑爲正司其役者衛輝路總管密邇阿散而潁州知州王公孺爲文記之翰林學士承旨劉敏中書丹御史中丞姚燁篆額敏中元史有傳公孺文定之子燁文獻之子竝以文學書法稱亦見家風之不墜也

勅建永壽禪寺記 延祐五年正月

右勅建永壽禪寺記在嘉定縣婁塘鎮無篆額亦無標題文云

延祐三年師說謹施平江路嘉定州管下田庄勅建永壽禪寺上報國恩祝延聖壽次爲先考太師寧武保康軍節度使武忠和義郡王建立祠宇安塑神像四年十二月祠成其稱先考太師者呂文德也文德宋季大將其弟文煥守襄陽以城降元子姓皆至大官師說任江淮等處財賦副總管其事迹無攷龔尚書撰縣志謂何莊寺今曰永壽寺呂蒙正寓此又云何氏宋初延呂蒙正爲塾師案蒙正以太平興國二年登第其時吳越尚未納土蒙正微時安得至此此委巷不根之語必因此寺勅自呂氏遂譌爲蒙正爾永壽與何莊本非一地併而爲一當在明初近志謂宋時土民何氏建庵元祐中呂師說改建爲寺不知永壽之建乃在元之延祐非宋之元祐且係師說勅建非因何氏之庵爲之也此碑昔人未有著錄者頃過婁塘妹夫陳君葯

耘導予往觀并拓其文見貽遂書以正縣志之譌

乾明廣福禪寺重建觀音殿記 延祐七年二月

右乾明廣福禪寺重建觀音殿記胡應青撰趙孟頫書并篆額李光暎以為松雪撰者誤應青自題前進士又云予吳之鄙人宋季筮仕於此蓋宋臣而不仕於元者也暨陽今江陰縣

長明燈記 延祐七年二月

右長明燈記翰林學士承旨開府儀同三司特授河南行省左丞相楚僊帖穆而割田千五百畝入汴梁延津上乘寺為長明燈資屬應奉揭傒斯為記而承旨趙孟頫書之楚僊帖穆而者博羅歡之子楚先帖木兒也元史附見其父傳其由河南行省參知政事遷江西歲餘進河南右丞未行拜平章政事入知樞密院事皆史所未載碑載其子尼摩性吉福安等傳所載有尼

摩星吉亦思刺瓦性吉二人尼摩星吉即尼摩性吉亦思刺瓦性吉豈即福安乎抑別有名福安者而傳失載乎碑又云公娶完澤氏河南王之女攷延祐元年封河南行省左丞相卜憐吉帶為河南王卜憐吉帶阿朮之子姓兀良合氏此完澤蓋名而非氏也元史泰定帝紀泰定元年冊八八罕氏為皇后八八罕實斡吉刺氏亦以名為氏元人文集中似此稱謂者頗多

處州萬象山崇福寺記 延祐七年三月

右處州萬象山崇福寺記延祐五年西天目山幻住沙門明本撰文後二年正月翰林學士承旨趙孟頫書并篆額其三月始立石鐫字者東嘉孫宗年也松雪翁以延祐六年夏謁告歸吳興遂不復出據此碑所題歲月則南歸之後一年也明本號中峯所居號幻住庵仁宗時賜號廣慧禪師石刻明字漫滅故表

而出之

金仙寺裕公和尚道行碑

延祐七年小春日

右金仙寺住持裕公和尚道行碑松雪翁書法妙絕一時豐碑修碣流傳至今世所共珍其書裕公道行碑有二一為少林寺僧福裕在河南之登封縣一為金仙寺僧廣裕在山西之翼城縣予皆得之福裕碑程鉅夫撰此碑即松雪所撰文而本集却不載首云佛以大慈悲隨機說法所以付囑其徒者攝為五分曰素坦纜則阿難受持曰毗奈耶則鄔波羅受持曰阿毗達磨則迦多演那受持即所謂經律論也曰般若曰陀羅尼則付之文殊普賢二大士近世學佛家能舉其名者尠矣

涇縣尹承務蘇公政績記

至治二年二月

右涇縣尹承務蘇公政績記首列翰林學士承旨榮祿大夫知制

制誥兼脩國史趙孟頫

書國子博士承事郎

篆額亞中

大夫寧國路總管府諱魯花赤兼管內勸農事某立石達魯花赤署名作蒙古書而立石與書篆人竝列於前皆碑之勅例也碑為松雪晚年書結體圓勁而不放縱蘇尹名濟字汝舟益都沂人在官三載民歌之曰四民藝業通縣官有蘇公三載民無憂賴有蘇汝舟元史良吏傳不載特表而出之

憂鍊百種如長天身支斷不灌卦奏而出之
 沁入卦官三薄丹煇之口四月應業匪繼官自繼公三薄丹
 齋高外靈知平書餘繼回煇而不效繼繼氏公齋字必丹
 赤署不於蒙古書而立不與書篆入茲後於前皆繼之碑也
 大夫寧國郡縣晉祿韓晉於赤兼晉內繼農事其立不與晉於
 碑書兼前國史跋孟晉書卷十冊士奉碑碑
 嘉定錢大昕

潛研堂金石跋尾續第七

嘉定錢大昕

元

東嶽廟聖旨碑

泰定元年十月

至正四年九月附

右東嶽廟聖旨碑文稱成吉思皇帝月古台皇帝薛禪皇帝完
 澤篤皇帝曲律皇帝普顏都皇帝怯堅皇帝後題泰定元年鼠
 兒年十月二十三日又一碑文稱成吉思皇帝月古台皇帝薛
 禪皇帝完者都皇帝曲律皇帝普顏都皇帝格堅皇帝忽都禿
 皇帝亦憐真班皇帝後題至正四年猴兒年九月二十九日案
 成吉思太祖尊號也薛禪完澤篤曲律普顏篤格堅忽都禿則
 世祖成宗武宗仁宗英宗明宗之謚身後所追上也太宗寧宗
 未有國語謚號故稱其名元史泰定即位詔書稱英宗曰碩德
 八剌皇帝其時尚未有國語謚也文宗國言曰札牙篤皇帝至

正碑不及者以其與於弒逆黜之也定宗憲宗泰定帝皆繼世之君當時叙諸帝略不及焉太廟七室之制則太宗亦不預重本生而輕正統禮臣亦未有援古義以爭之者明嘉靖之議大禮實濫觴於此矣月古台元史作窩濶台普顏都史作普顏篤忽都禿史作忽都篤亦作護都篤亦憐真班史作懿璘質班又如完澤篤之爲完者都格堅之爲怯堅而碑亦互異蓋譯音本無定字當時播諸王言亦未盡畫一也碑向在泰安府嶽廟西偏延禧殿前近歲修廟者磨去其文爲他用泰安人聶欽云

歸安縣建學記泰定五年正月

右歸安縣建學記歸安湖州倚郭縣故未有學附於郡

易完澤溥化以進士丞茲邑始建縣學而鄧文原爲

定五年龍集戊辰人日記攷元史泰定帝紀且

月

庚申詔天下改元致和故二月以前猶稱泰定也其秋帝崩於上都文宗卽位改元天歷元史三公宰相兩表於泰定四年之後卽繼以文宗天歷元年不書致和雖用溫公通鑑之例然七月以前拜罷略不載未免絀漏而無法矣

皇太后懿旨碑至順二年六月

右皇太后懿旨碑凡元時聖旨碑首題長生天氣力裏大福蔭護助裏皇帝聖旨此稱長生天氣力裏皇帝福蔭裏皇太后懿旨當時寫聖旨懿旨之式如此後題雞兒年十一月初十日大都有時分寫來又一行題至順二年歲次辛未六月吉日建案元代惟成宗武宗仁宗順帝四朝尊奉皇太后此碑建於文宗時所稱皇太后必在成武仁三朝矣成宗大德元年歲在丁酉武宗至大二年歲在巳酉碑但稱雞兒年有支無干不知當在

何年也或難予曰元史后妃傳仁宗莊懿慈聖皇后英宗即位上尊號皇太后至治二年崩至治元年歲亦在酉安知其不在英宗朝予案本紀英宗即位之歲八月祔莊懿慈聖皇后於太廟是后已先沒故傳載罔文有為天下母而養弗逮之句本紀有上太皇太后尊號事無尊皇太后事也紀書至治二年八月太皇太后崩亦不云皇太后故知后妃傳所載皆子虛烏有之詞耳

碑陰

右碑陰蒙古書自左而右元時凡制誥由詞臣潤色者國書但對音書之若加封大成至聖文宣王詔加封顏子父母制之類是也此係當時直言直語故別以國語譯之不依本文蓋亦當時令式如此而傳記未有言之者予以集錄之富攷證之勤粗能識其大略爾碑陰有額乃蒙古篆文蒙古字勅於帝師八思巴其篆文未審何人所製

贈河南行省參知政事張斯和碑 至順二年十月

右贈河南行省參知政事張斯和碑斯和者中書參知政事斯立之兄以子友諒貴贈中奉大夫河南江北等處行中書省參知政事濟南郡公其先冀州棗強人六世祖汝礪金季避河決徙居章邱碑文翰林學士張養浩撰湖南廉訪使鄧文原書今在章邱縣東南相公莊南

碑陰記

右碑陰記載友諒歷官本末頗詳元史不為友諒立傳以此碑攷之蓋由江淞行省左右司都事入為吏部員外郎遷左司都事拜監察御史尋改左司員外郎以選為淞省正郎以左司郎

中召遂參議中書事拜戶部尚書臺奏為浙西廉訪使改都水庸田使移湖北廉使復庸田使超拜中奉大夫江浙行省參知政事除憲淮東再憲江浙皆以浙省事重奏留天歷元年冬徵拜中書參知政事二年除江南行臺侍御史三年春徵內臺尋復參政冬十月陞中書左丞實至順元年也元史文宗紀天歷元年八月戊午江浙行省參知政事張友諒為中書參知政事此碑云冬者紀據除官之日碑據到官之日也宰相表於友諒下注云十月至十二月可徵其以十月到官與碑文合凡紀表年月小異者皆可以此例斷之矣碑文撰於致和改元之春逮至順二年立石則養浩文原已相繼沒於是禮部尚書張起巖記其碑陰而戶部尚書魏誼書之鄧巴西書當時與漁陽吳興齊名誼妙處不減巴西而陶南村書史會要獨遺之何也

加封顏子父母制詞

元統二年五月

右加封顏子父母制詞元史文宗紀至順三年五月追封顏子父無繇為杞國公諡文裕母齊姜氏杞國夫人諡端獻妻宋戴氏充國夫人諡貞素祭祀志則書此事於元統二年此碑後題元統二年五月日與祭祀志合制詞不及充國夫人蓋別為一制碑分二層上層蒙古書下層正書不著書人名氏

孝烈將軍祠像辨正記

元統二年六月

右孝烈將軍祠像辨正記孝烈將軍謂木蘭也姓魏氏毫之譙人記為侯有造撰并書文與書法俱無足觀其以木蘭辭為木蘭自作亦迂儒之見爾

重修從祀記

後至元四年九月

右重修從祀記今在南雄府學元至順三年襄邑張搏霄為南

雄路總管命工繡刻七十二賢及道學先儒像於宣聖廟之兩廡而前進士易景升爲文記之攷元史王都中以天歷初任廣東道宣慰使都元帥元統初改兩浙都轉運鹽使自後未見再任廣東事此碑立於重紀至元四年而都中題銜稱中奉大夫廣東道宣慰使都元帥不可解也楊益字友直洛陽人陶九成稱其古隸學廬江太守碑今觀此碑分隸殊有漢人法度

濟瀆重建靈異碑記

後至元五年九月

右濟瀆重建靈異碑記爲孟州達魯花赤也列失追述其叔祖忽辛祀濟瀆靈異事所載世系云始祖賽天知苦魯馬丁追封世王子一人賽天知瞻思丁雲南等處行中書省平章政事追封咸陽王諡忠惠子三人長賽天知納速兒丁雲南等處行中書省平章政事追封延安王諡宣靖次忽辛江西等處行中書

省平章政事猶子賽天知烏馬兒江浙行中書省平章政事也列失則烏馬兒之子也賽天知元史作賽典赤中堂事紀作賽典只兒蓋回回貴族之稱子孫世以爲號瞻思丁父曰苦魯馬丁元史本傳不載納速兒丁本傳作訥速刺丁其諡宣靖亦史所失載也史稱賽典赤別庵伯爾之裔攷劉郁西征記報達之西馬行二十日有天府內有天使神胡之祖葬所也師名癖顏八兒房中懸鐵絙以手捫之心誠可及不誠者竟不得捫經文甚多皆癖顏八兒所作癖顏八兒卽別庵伯爾彼國中聖人也

佛慧禪師義公塔銘

後至元六年正月

右佛慧圓明正覺普度禪師斷崖義公塔銘道園學古錄載此文以石本校之殊多異同集本述問答機鋒及辭世語頗詳而石本轉略不可解也了義塔於天目山師子巖後雲深庵而碑

乃在蘇州之南禪寺殆其徒別刻本於吳中歟今寺稍移而西
規制亦縮惟斯碑與明楊循吉所撰碑尚對立於菜畦瓜蔓間
爾

松江府重建廟學記 至正三年八月

右松江府重建廟學記前江浙等處儒學提舉黃潛撰平江路
總管兼管內勸農事知渠堰事和立平書紹興路總管兼管內
勸農事知渠堰事秦普華篆額秦普華即秦不華也元史本傳
謂初名達普化文宗賜以今名此碑立於至正初仍書普字而
當時士大夫亦多以達兼善稱之或稱爲達祕書則非定用所
賜之名也蓋譯音初無定字達與泰不過音之轉而普化與不
華比音亦無異兼善登第時榜書達普化後來受制命又作泰
不華或偶出於文宗御筆而史遂以爲賜名耳碑稱皇朝奄有

南上凡五萬戶之縣悉置爲州惟華亭戶數增多至二十三萬
特置散府號曰松江而仍以華亭爲縣隸焉案史載至順錢糧
數松江府戶一十六萬三千九百三十一距立府之始五十餘
年休養生息戶口當益繁而民數之減於舊者幾及三分之一
殊不可解恐史有誤文也

勅賜元教宗傳碑 至正四年八月

右勅賜元教宗傳之碑延祐六年四月以開府儀同三司上卿
輔成贊化保運元教大宗師知集賢院事領諸路道教事張留
孫之請詔集賢修撰虞集述其傳授宗派於碑趙松雪時爲承
旨奉勅書之洎至正四年嗣師吳全節立石去松雪之沒已廿
餘年矣道園學古錄及類稿俱不載此文

重修南鎮廟碑 至正四年

右重脩南鎮廟碑紹興路總管府推官貢師泰撰祕書卿泰不
華書并篆額南鎮唐封永興公宋政和三年封永濟王金改永
興王元大德二年加封昭德順應王此碑云唐天寶十年詔封
永興公歷代遂著常祀國朝加號王爵似未攷宋金加封故事
矣碑爲縣尹夏日攷修廟而作日攷字仲善吉水人至順元年
進士史稱泰不華善篆隸溫潤適勁今得此碑亦略見一斑矣

周伯溫遊白牛巖詩并序

至正六年

右廣東廉訪僉事周伯溫遊白牛巖詩潮陽縣達魯花赤偈列
麓刻之巖壁竝序其略以八分書之偈列麓者高昌人元時所
稱畏吾兒也其先世爲畏吾國相從其主居偈輦河因以偈爲
氏偈列麓之祖合刺普華嘗官江西宣慰使子孫因居江西習
進士業登第者六人偈列麓由江西龍興籍鄉試登至順庚午

進士見歐陽圭齋所述偈氏家傳而江西通志以爲至正戊子
進士今觀此刻在至正丙戌先戊子兩年列麓已任監縣則江
西志之誤顯然矣翁學士正三撰粵東金石略載此刻後半多
缺文頃李潮陽素伯親到巖下始知爲寺僧草庵所掩撤其庵
讀之纔缺一二字爾因椎拓其文貽予并以語翁學士云

道山亭聯句

至正九年八月

右道山亭宴集聯句七言律詩一篇福建廉訪使僧家奴元卿
僉事與魯赤文卿申屠駟子迪赫德爾本初四人人各二句跋
其後者經歷趙譚以八分書之者知事任允也後有廉訪副使
朶兒只班善卿續題亦允所書詩與書法皆可觀予頃做計敏
夫之例撰元詩紀事得之石刻者凡數十家此刻前人未有著
錄者亟鈔而存之惜元卿文卿本初諸人未能攷其氏族也

東祁王先生歸田興學記 至正九年

右東祁王先生歸田興學記在嘉定縣學嘉定自宋始勸學宮舊有田租歲入養士不繼邑士王子昭懼鄉校廢弛捐己田二十七頃有奇歲收租米一千一百一十餘碩擬勸義塾以教鄉閭子弟志未遂而疾作臨終囑其弟以田歸於學時至元二十五年也又六十餘年而邑之士大夫請州教授薛元德爲文記之州判官馬遂良書之石攷唐宋碑刻之式立石人當列名碑末此碑知州孫伯元立石刻於撰書人之後篆蓋人之前乃他碑所罕見者每行通高一格則又以官秩之崇卑差之皆非古法也

山東鄉試題名碑記 至正十年十月

右山東鄉試題名碑記元時鄉試之所凡十有七兩都十一行

省真定東平二路山東河南二宣慰司也山東宣慰司治濟南是科考試官三人禮部尚書梁宜彥中國子助教黃昭觀瀾翰林國史院典籍毛元慶文在監試官僉山東東西道肅政廉訪司事拜住知貢舉官山東東西道宣慰使司同知副都元帥別速堅合所部三路十有三州四十有六縣之士試之得合格者蒙古四人色目五人漢人七人分左右榜右榜阿禮柏杭兄弟同舉左榜第一人李國鳳次年會試省元皆盛事也記稱鄉校未有題名題名自是科始今見存濟南府學者唯此及至正二十二年兩碑耳拜住字明善遜都思氏右榜狀元此記述其革陋扶偏禮士有法可見科目得人之效矣記文刻於碑之上方其下題名三列上層列考試監試知貢舉收掌試卷受卷彌封謄錄對讀各官中列左右榜進士姓名列提調試院監門巡

綽搜檢懷挾供給各官今時進呈鄉試錄之式蓋出於此

關王廟碑 至正十二年五月

右關王廟碑無撰書人姓名後題將仕郎汴梁路許州判官普顏立石普顏姓李氏陝西平涼人文稱王薨於章鄉今當陽縣玉泉山也今號大王塚每歲清明鄉人相率上塚如祭埽之禮宋荆門守臣王銖始建祭亭環垣樹松柏紹聖三年五月賜廟額曰顯烈東廟曰昭貺卽侯子平也俗呼爲三郎荆楚之人相傳顯烈六月二十二日生昭貺五月十三日生是日朝拜祭賽者遠近輻輳焉案王之生日不見於傳紀碑所據者荆楚相傳之說今祀典遂以五月十三日爲王生辰矣文又云大元分樞密院知院總兵官南征至許昌南安營於至正十一年十一月十九日遣本院經歷文林郎和尚詣廟致禱施財增修廟宇攷

元史順帝紀至正十一年五月壬申命同知樞密院事禿赤以兵討劉福通授以分樞密院印九月壬子命御史大夫也先帖木兒知樞密院事及衛王寬徹哥總率大軍出征河南妖寇十月癸未命知樞密院事老章以兵同也先帖木兒討河南妖寇此稱知院總兵官當是也先帖木兒也

李世安題名 至正十三年良月

右海道都漕運萬戶燕山李世安題名在福州府之鼓山文云至正壬辰冬余以柏府之命如廣海經三山止神光寺明年正月朔寇逼郡城是日與廉使許希文共守南門董督備禦越二十六日建邵分憲僉事郭繼先率援兵南下賊遂敗潰宵遁至正之世盜賊蠭起侵犯郡縣史不能悉書未知其時寇福州者爲何賊也世安大都人父廷淮東宣慰使贈江西等處行中書

省參知政事追封潞陽郡公諡忠靖世安由國子生入官歷監察御史分憲淮東擢鎮江路總管有治聲元史不爲立傳惟順帝紀載至正十二年五月海道萬戶李世安建言權停夏運從之卽壬辰歲也予昔遊鎮江甘露寺見大殿銅鐘款有世安名驗其年月則至正九年也擬拓其文未果今得此題名乃撫其歷官本末書之

安慶城隍顯忠靈祐王碑 至正十六年四月

右安慶城隍顯忠靈祐王碑淮南行省參知政事余闕撰分隸適整而閑逸廷心以篆隸名家此其自書無疑余公大節彪炳古今獨其贈諡諸書所載互異元史本傳稱追封豳國公諡忠宣程國儒序青陽集則云諡文忠追封夏國公張紳以爲初贈夏國公諡忠愍改贈豳國公諡忠宣丁鶴年又稱爲余文貞公宋景濂手定元史而集中余左丞傳亦作文忠未審孰得其真因錄此碑附及之

董仲珪弭寇紀功碑 至正十七年正月

右董仲珪弭寇紀功碑在潮陽東山雙忠廟雙忠者土人所祀唐張巡許遠二公也碑篆額止存寇字文凡二十六行首行殘泐尤甚可見者惟仲珪弭寇凱旋潮陽士民欲紀厥功數字文又稱其爲廣西憲掾作開利民民號爲董公聞知其姓董也此碑向來未有著錄者予得之潮陽令李南澗云

續蘭亭詩并序 至正二十年三月

右續蘭亭詩并序今在餘姚縣學邵吉士晉涵搨以遺予碑分四段最上一層爲圖水石竹樹極秀潤中有方池引以爲曲水者也池之上爲雩詠亭其左爲高風閣旁皆有題字次二層則

劉仁本所爲序三四層則諸人詩也序稱修禊來會四十二人今所存者惟仁本以下十二人詩各二篇意當時本刻二碑而亡其一乎元帥方永名見序中而詩失傳疑是谷珍之羣從也明詩綜載諸人姓名惟蕭山教諭朱炯誤作諸綱當從石刻正之

嘉定州重建儒學記

至正二十一年二月

右嘉定州重建儒學記元人以國語命名不繫以姓故秦狀吏牘與漢人連名漢人惟舉其姓國人必全舉其名如元史河渠志載耿參政阿里尚書元典章載章閭平章張平章兀伯都刺平章之類至於公私稱謂亦然元人文集稱完澤公阿朮公徹理公皆繫公於名之下未有自爲完公阿公徹公者以其不成語也或有稱其氏族者若姚牧庵稱博羅歡爲忙兀公趙松雪

稱不忽木爲康里公施於碑版神道固宜而流俗則鮮能知之矣虞集正心堂記云忙侯名忙哥帖木耳稱忙侯省文從邦人之稱也蓋元自中葉以後里巷之民稱謂漸失其舊此碑稱鐵侯亦沿流俗之稱後云鐵侯名鐵穆爾普華與道園文同例蒙古色目各有氏族不得截取首一字爲姓而以下爲名元人尚知此法今世號稱古文者并此亦失之矣古人名字小印或用以鑒別書畫未有施於石刻者此碑末天台盧奐名下有二圖章石刻之有私印蓋濫觴於此奐本摹刻之工未諳古法若撰文之楊鐵崖書石之褚奐篆額之周伯琦初未有印也

察罕帖木爾祀先聖文

至正二十一年九月

右察罕帖木爾祀先聖及四配文察罕帖木爾卽齊國忠襄王也碑書帖爲帖兒爲爾與元史小異致順帝紀至正二十一年

十月以察罕帖木兒爲中書平章政事兼知河南山東等處行
樞密院事陝西行御史臺中丞此祀先聖在九月九日署銜已
稱銀青榮祿大夫中書平章政事知河南山東等處行樞密院
事兼陝西諸道行御史臺御史中丞則本紀所書月日未得其
實矣是時察罕帖木爾自河南進兵山東羣盜略平遣本省都
事尹師彥詣曲阜致祭孔子以充邾沂鄒四公配享鐫文於石
後題龔封衍聖公希學曲阜縣尹克營名碑書節鉞爲節越蓋
以同音借用

擴廓鐵穆邇祀瀆記 至正二十二年八月

右擴廓鐵穆邇祀瀆記首云至正壬寅秋詔命擴廓鐵穆邇爲
總兵授光祿大夫中書平章政事兼河南山東等處行樞密院
事皇太子同知詹事元史順帝紀載擴廓帖木兒初授官位與

此正合察罕帖木兒以六月戊子遇害朝廷命其子代總兵必
在秋初史繫於察罕帖木兒見殺之下蓋取便文不若此碑之
得其實也察罕帖木兒傳稱起復擴廓帖木兒拜銀青榮祿大
夫太尉中書平章政事知樞密院事皇太子詹事此則山東既
平進加之職紀書於是年十二月本傳併而一之誤矣元初諸
路萬戶兼理軍民世祖以後萬戶惟治軍不治民碑載濟源軍
民萬戶野仙帖木耳陳貴二人蓋至正軍興之後所置百官志
至正二十年以鞏縣爲招討軍民萬戶府二十六年置嵩州軍
民招討萬戶府與此同時志有載有不載者有司採訪或不備
也蒙古語鐵曰帖木兒元人以爲名者極多其字或作鐵木兒
或作鐵穆邇或作鐵穆而或作鐵穆耳或作鐵木而或作帖木
而或作帖木耳或作帖木爾或作帖穆爾或作帖穆而或作帖

睦邇或作貼木爾文殊而音義則一也今譯為特穆爾

山東鄉試題名碑記 至正二十二年

右山東鄉試題名碑記在濟南府學明倫堂與至正十年碑東西相向而磨滅特甚碑式與前碑同其小異者總行提調官總兵官中書平章政事口知河南山東等處行樞密院事皇太子同知詹事擴廓缺穆邇別為一行在上方記文之後不與餘官並列又提調官列名考試官之右正榜之後別有副榜爾是科考試官為刑部侍郎孫翥河南江北等處行中書省儒學提舉吳顯兵部員外郎龍于鱗正榜十有一人副榜五人姓名可辨者三四人而已

温州路總管陳所學壙誌 至正二十二年八月

右温州路總管陳所學壙誌蓋其子姓所述故題云先考陳公而末題孤哀子逢祥等泣血謹誌庚友丁卯科進士奉訓大夫前江西等處儒學提舉楊維禎填諱案顏氏家廟碑敘述先世皆直書其名而加諱字顧寧人博引張說陳子昂劉禹錫白居易李翱諸人文證之以為古人臨文不諱今人自述先人行狀而使他入填諱非古也予攷周益公跋初寮王左丞贈曾祖詩末題通直郎田橡填諱則宋人已有之鐵厓自稱庚友未審何義也所學以納粟授杭州路於潛縣稅務大使遷泉州路晉江縣稅務大使考滿陞福州鹽場牛田司丞又入粟數萬斛除同知韶州路總管府事未任再授温州路總管卒於官函骨航海歸葬墓在崑山縣馬鞍山之西南字甚工楷而不著書者姓名

崑山州重修三皇廟記 至正二十三年六月

右崑山州重修三皇廟記陳秀民撰文饒介書余詮篆額皆當

時知名士刻字者州人朱珪珪精於篆刻撰名蹟錄六卷亦名手也文前稱太尉承制以傑烈石同知州事後但稱石君元時蒙古色目人名有單稱下一字者石君籍隸鞏昌蓋亦河西之族矣

隆安選公傳戒碑 至正二十四年九月

右大崇國寺壇主空明圓證大法師隆安選公特賜澄慧國師傳戒碑資政大夫中書參知政事同知經筵事提調四方獻言詳定使司事危素奉勅撰文并書丹集賢大學士光祿大夫滕國公張璘奉勅篆額碑述戒本授受源流最詳善選卒於憲宗壬子歲至正二十三年以宣政使帖古思不華請追賜國師之號立碑崇國寺寺今名大隆善護國寺每月之七日八日十七日十八日二十七日二十八日陳設百貨都人雜沓謂之西朝

市予在都門久從未一至所謂市者寺有元碑四通此其一也予好訪碑又惡市之齟公事之暇不值市期則往觀焉歲或一至或間歲一至寺僧皆黃帽所謂喇嘛班第者客至了不迎送不交一言獨來獨往而已攷四方獻言詳定使司至正十七年置有使副使掌書記而中書官提調之元之末季中外多故正宜納諫以通上下之情而設官以別擇之又命省臣提調之讜言之得聞者寡矣宜乎不旋踵而亡也碑稱丞相厦里者蓋在太宗時於史無所見姑記之以俟攷

碑陰

右宣政院劄付二道刻於碑陰之上方其一云皇帝聖旨裏宣政院至正廿三年十月廿三日哈喇章怯薛第一日明仁殿有時分云云後題右劄付大崇國寺准此蓋紀帖古思不花院使

陳奏及勅命危素撰文等事其一云皇帝聖旨裏宣政院至正廿六年正月口口日完者帖木兒怯薛第一日云云後半漫漶不能讀劉氏帝京景物略孫氏春明夢餘錄載此碑而不及碑陰故略書之

王用文題名

至正二十七年九月

右王用文題名在潮陽縣之白牛巖文云予偕陳中寶遂時中周德源趙世延徐志仁趙東泉林汝文來遊期黃處敬戴希文不至時至正丁未秋九日靈武王用文誌凡十一行八分書大徑五寸巖之絕壁又有燬^〇二篆字亦用文所書大徑三尺甚奇偉竟不知燬爲何字也用文者潮州路總管王那木罕之字元時號河西人爲唐兀氏故亦稱唐兀其實王氏也北人語罕翰相近故亦以翰爲名用文生將家子元亡恥事二姓屏跡爲

黃冠者十年聞明太祖辟書至從容引決蓋司空表聖謝疊山之流世知其能詩不知其又工篆隸頃潮陽縣知縣李素伯拓其文見貽予爲表而出之

